



OPĆINSKO VIJEĆE

MUNICIPAL COUNCIL

Stručna služba općinskog vijeća i općinskog načelnika

PRIJEDLOG

Broj: 01/1-02-184/21

Ilijaš, 28.01.2021. godine

Z A P I S N I K

sa Vanredne sjednice Općinskog vijeća Ilijaš, održane dana 28.01.2021. godine, sa početkom u 11:15h.

Vanrednom sjednicom Općinskog vijeća Ilijaš predsjedavala je predsjedavajuća Općinskog vijeća g-đa Alma Omerović.

Prisutni vijećnici:

RB.	IME I PREZIME
	SDA
1	ALMA OMEROVIĆ
2	-
3	MEHMED SINANOVIĆ
4	ELMA MASNOPITA
5	ALEN HASKOVIĆ
6	ALEN ARNAUTOVIĆ
7	ADEM ALIĆ
8	HALID DIZDAREVIĆ
9	SEID BEKTIĆ
10	KENAN HASIĆ
11	SEMIR DEDIĆ
12	DENIS DILBEROVIĆ
	NIP
13	VERNEŠA BEŠLIJA
14	ALMIR ŠPIODIĆ
15	KENAN BUZA
16	DINO ČUSTOVIĆ
17	ADNAN ABADŽIJA
18	AMINA RAMIĆ
19	MEHO HIDO
20	ALEMA DŽAFO
	SDP
21	-
22	ANELA SUBAŠIĆ
23	SELMA BARIĆ
	SBB
24	AKIF BEŠLIJA
25	MUHAMED HANDŽIĆ

Odsutni vijećnici:

1. Anel Bumbulović i
2. Alan Šerak

Prisutni gosti:

1. Nermina Durić-Kahvedžić - Radio Ilijaš

Ostali prisutni:

1. Akif Fazlić – općinski načelnik
2. Dženan Suša – IT administrator
3. Amar Muftić - volonter

Predsjedavajuća je obrazložila razlog kašnjenja početka sjednice, a isti se odnosi na to da su političke partije NIP i SDP dostavile prijedloge kandidata za radna tijela Općinskog vijeća Ilijaš za mandatni period 2020.-2024. godina tek u 10:15h.

Prije početka sjednice, vijećnik Seid Bektić je položio svečanu zakletvu.

ALMA OMEROVIĆ - predsjedavajuća

Otvorila je sjednicu i konstatovala da su prisutna 23 vijećnika, te da postoji kvorum za odlučivanje.

Na osnovu člana 66. stav 3. Poslovnika Općinskog vijeća Ilijaš ("Službene novine Kantona Sarajevo", broj: 2/10,18/15 i 7/19) sazvana je Vanredna sjednica Općinskog vijeća Ilijaš. Dužna sam dati obrazloženje za sazivanje ove sjednice s obzirom da nismo završili proces formiranja radnih tijela OV-a, zbog toga je ista i sazvana.

KENAN BUZA - vijećnik NIP-a (poslovnička intervencija)

Moja poslovnička intervencija se odnosi na skretanje pažnje rukovodstvu OV-a na epidemiološke mjere koje su trenutno na snazi i iste se ne provode u ovoj sali OV-a. Aktuelne mjere koje su dogovorene na sjednici 14.01.2021. godine, a koje se sprovode od 17.01.2021. godine koje je donio Federalni štab civilne zaštite i podrazumijevaju mjere u zatvorenom prostoru razmak minimalo dva metra između osoba plus nošenje zaštitnih maski. Cijenim da ne pridržavanjem ovih mjera ugrožavamo zdravlje nas vijećnika u ovoj sali, šaljem lošu sliku građanima i građankama Općine Ilijaš, te svojim lošim primjerom ostavljamo njima na njihovu volju da se i oni ne pridržavaju takođe epidemioloških mjera. U ovom sazivu Vijeća imamo dva doktora medicine, a na današnjoj sjednici ne prisustvuje jedan i volio bih da nam se kasnije obrati jedan doktor medicine i da nam da svoje mišljenje sa stanovišta struke da li su ispoštovane epidemiološke mjere u ovoj sali. Također, ne samo da problematiziram samo nepridržavanje epidemioloških mjera, predlažem rješenje. Rješenje broj jedan: da se obezbijede sve epidemiološke mjere, pa da nastavimo rad sjednice nakon toga, danas. Ako ne danas, onda da se obezbijede pregrade između vijećnika za narednu sjednicu Vijeća, da se obezbijedi sala u kojoj će biti moguće sprovođenje epidemioloških mjera ili da sjednice održavamo on-line. Također, cijenim da, odlaganjem današnje sjednice, ne ugrožavamo građane i građanke Općine Ilijaš, jer ionako karakter ove sjednice nije u skladu sa Poslovnikom o radu OV-a.

ALMA OMEROVIĆ - predsjedavajuća

Zahvaljujem kolega za poslovničku intervenciju i s obzirom da ste naveli to, zamolit ću kolege, a evo vi prvi koji govorite ovo niste bili savjesni da to učinite savjesni da to učinite i napravite razmak i evo kolege koje sjede pored vas trebali ste ih zamoliti da sjednu sa razmakom od dva metra. Zamolit ću kolege da naprave između svakog mjesta po jedan razmak i da nastavimo sa ovom sjednicom.

ALMIR ŠPIODIĆ - vijećnik NIP-a (poslovnička intervencija)

Na osnovu čega će te vi, razmještanjem ljudi da zauzmu druga mjesta, ustanoviti da su ispoštovane epidemiološke mjere, a struka propisuje razdaljinu između osoba dva metra ili vi to preuzimate na sebe i to nešto "odokativno" procijenite da je neko od nekog razmaknut dva metra.

ALMA OMEROVIĆ - predsjedavajuća

Kolega, moja slobodna procjena. Zamolit ću kolege da zauzmu svoja mjesta.

KENAN BUZA - vijećnik NIP-a (poslovnička intervencija)

Naš raspored sjedenja je definisan na prvoj sjednici Vijeća gdje su postavljena ova tehnološka sredstva za glasanje i prijavljivanje i mikrofoni i na osnovu toga smo zauzeli svoje pozicije u ovoj sali. Nismo se mogli premještati i zauzimati mjesta kako mi hoćemo, a imali smo situaciju sa kolegama iz SBB-a koji su sjeli u zadnju klupu u srednjem redu i nisu imali pripremljene mikrofone za rad i skrenuli su vam pažnju na to da im pripremite mikrofone za normalno funkcionisanje u OV-u.

ALMA OMEROVIĆ - predsjedavajuća

Kolege, zamolit ću vas da se premjestite na drugu stranu tako da između vas postoji jedno slobodno mjesto. Svako ko želi, na svoju odgovornost, može da izađe iz ove sale ili da uradi šta god mu je volja. Zamolit ću vas kolege i do sada smo održavali ove sjednice Vijeća i niste imali takve poslovničke intervencije i izvolite napravite po jedan razmak između vas.

ADNAN ABADŽIJA - vijećnik NIP-a (poslovnička intervencija)

Bez obzira koliko vi ovdje napravili distancu i pravili privremeno rješenje, predlažem pauzu dok tehnička služba ne obezbijedi mikrofone za svaku stolicu-sto i razmak od dva metra, a u slučaju da to ne ispoštujete predsjedavajuća, ja ću biti prinuđen ispred KV NIP-a da pozovem policiju koja provodi mjere i na ulicama i zatvorenim prostorima prilikom okupljanja.

ALMA OMEROVIĆ - predsjedavajuća

Kolege, imate priliku da zauzmete slobodna, a ukoliko to ne želite, možete da uradite šta hoćete. Nastavljamo sa sjednicom.

KENAN BUZA - vijećnik NIP-a

Da li nam se može obratiti doktor Alen Arnautović?

ALMA OMEROVIĆ - predsjedavajuća

Ne može se sada obratiti, dok ja ne pročitam ove neke stvari. Znači, poslovničke intervencije morate imati opravdane. Nije doktor, po struci, dužan da vama ovdje govori, a da bi vi uzimali poslovničke intervencije za takve stvari, ali to ćete naučiti vremenom.

KENAN BUZA - vijećnik NIP-a

Želimo mišljenje struke.

ALEN ARNAUTOVIĆ - vijećnik SDA (poslovnička intervencija)

Želim da se obratim po ovoj konstataciji da u ovoj sali nisu ispoštovane epidemiološke mjere. Budući da sam doktor u DZ Ilijaš, velika većina ljudi koji borave u ovoj prostoriji su već prebolovali COVID infekciju i samim tim imaju antitijela i samim tim ne mogu biti ponovo zaraženi (velika većina). Ukoliko obje osobe koje sjede jedna do druge nose masku, mogućnost prenosa infekcije je do 1%. U ovoj sali mislim da ima blizu trideset ljudi i toliko je po epidemiološkim mjerama i dozvoljeno da bude u zatvorenoj prostoriji uz mogućnost provjetravanja. Sljedeća stavka se odnosi na kolege iz opozicione partije kojima ovim putem moram skrenuti pažnju, otkako sam ušao u salu OV-a i općenito u Općinu Ilijaš, obzirom da je to zatvoreni prostor, ja sve vrijeme nosim masku. To nisam primjetio kod kolega iz opozicionih partija, tako da je malo ne suviše davati komentare na epidemiološku situaciju, a sam se ne pridržavati istih.

ALMIR ŠPIODIĆ - vijećnik NIP-a (poslovnička intervencija)

Ne znam s kojim razlogom, vi jeste možda doktor, ali nisam znao da ste vidoviti, pa da znate ko je prebolovao Koronu, a ko nije. Evo ja se nikada nisam testirao i nisam imao nikakve simptome. Moje zdravlje ugrožavate na način ako dozvolite da se sjednica održava bez poštivanja epidemioloških mjera i ne samo moje, nego i zdravlje moje porodice. Molim vas, tamo jasno piše kako u zatvorenom prostoru treba organizovati sastanke, sjednice itd. Mi tražimo da se to ispoštuje. Ako vi smatrate "odokativno" da smo mi ovdje ispoštovali neke mjere, mi ćemo tražiti mišljenje struke. Tražićemo mišljenje nadležnih organa koji nam to mogu potvrditi. Ja zaista vas cijenim kao doktora, ali nisam znao da se bavite i tim analizama da vi znate ko je prebolovao Koronu, ko nije i možemo li se mi zaraziti ili ne možemo. Vaše informacije su nama korisne, ali u ovom momentu što mi tražimo jeste da se ispoštuju Zakoni kriznog štaba Federacije BiH i Kantona Sarajevo. Mi smo dužni da to poštujemo.

ALMA OMEROVIĆ - predsjedavajuća

Ja nastavljam sa sjednicom. Iskoristili ste vaše poslovničke intervencije. Ukoliko imate osjećaj da želite da napustite sjednicu, izvolite, pustite nas da završimo dnevni red.

ALMIR ŠPIODIĆ - vijećnik NIP-a (poslovnička intervencija)

Ne želimo da napustimo sjednicu, želimo učestvovati u radu Vijeća, ali želimo da se ispoštuju sve epidemiološke mjere.

ALMA OMEROVIĆ - predsjedavajuća

Ako se osjećate ugroženo, napustite sjednicu.

ALMIR ŠPIODIĆ - vijećnik NIP-a (poslovnička intervencija)

Ne osjećamo se ugroženo kao što vi kažete, ali hoću da se ispoštuju sve epidemiološke mjere i da se stvore uslovi za rad vijećnika. Na to imamo pravo.

ALMA OMEROVIĆ - predsjedavajuća

Na šta se vi kolega Abadžija javljate? Dok ja vodim sjednicu vi se javljate za poslovničku intervenciju, ali morate zaista pratiti, pročitati Poslovnik i vidjeti kada se javlja za poslovničku intervenciju. Ja sam pustila pet kolega i prekidali su me konstantno čim počnem govoriti tražeći poslovničku intervenciju. Ja u ovom momentu nisam ništa rekla, a vi tražite poslovničku intervenciju.

ALMIR ŠPIODIĆ - vijećnik NIP-a (krivi navod)

Govorilo nas je četvorica, nije pet kolega.

ALMA OMEROVIĆ - predsjedavajuća

Zahvaljujem kolega, kako ste Vi divni i detaljni.

Nastavljamo sa sjednicom, izvolite, sada može poslovnička intervencija.

ADNAN ABADŽIJA - vijećnik NIP-a (poslovnička intervencija)

Ja spadam u rizičnu grupu i ponovo vas molim da ovo ispoštujete i mikrofone stavite tako da smo razmaknuti na potrebnu udaljenost i ne bih da dovodim u pitanje svoje zdravlje. Dakle, molim vas da napravite neki raspored, evo ne smeta vam to ništa, da napravimo pauzu dok to tehnička služba ne odradi. Evo ljudi nemaju mikrofona na stolovima.

ALMA OMEROVIĆ - predsjedavajuća

Nastavljamo sa sjednicom i zamolit ću vas kolege iz opozicije da zauzmete slobodna mjesta, a kolege iz pozicije molim da oslobodite mjesta gdje na stolovima postoje mikrofoni. Kolege iz pozicije će koristiti mikrofona za govornicom tako da budu tolerantni prema kolegama koji se toliko boje za svoje zdravlje, a cijenim da imamo potrebne uslove i nastavljamo sa sjednicom. Kolega Mehmede oslobodite po jedno mjesto i evo imate slobodnu prvu klupu i čitav ovaj red i izvolite.

Za Vanrednu sjednicu OV-a predlaćem slijedeći

DNEVNI RED

Izbor stalnih radnih tijela Općinskog vijeća:

1.
 - a) Prijedlog Odluke o obrazovanju Komisije za statut i propise
 - b) Prijedlog Rješenja o izboru članova Komisije za statut i propise
2.
 - a) Prijedlog Odluke o obrazovanju Komisije za administrativne poslove, budžet, privredu, finansije i ekonomska pitanja
 - b) Prijedlog Rješenja o izboru članova Komisije za administrativne poslove, budžet, privredu, finansije i ekonomska pitanja
3.
 - a) Prijedlog Odluke o obrazovanju Komisije za kulturu i sport
 - b) Prijedlog Rješenja o izboru članova Komisije za kulturu i sport
4.
 - a) Prijedlog Odluke o obrazovanju Komisije za boračka pitanja
 - b) Prijedlog Rješenja o izboru članova Komisije za boračka pitanja
5.
 - a) Prijedlog Odluke o obrazovanju Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa
 - b) Prijedlog Rješenja o izboru članova Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa
6.
 - a) Prijedlog Odluke o obrazovanju Komisije za prostorno uređenje, stambeno- komunalne poslove i ekologiju
 - b) Prijedlog Rješenja o izboru članova Komisije za prostorno uređenje, stambeno- komunalne poslove i ekologiju
7.
 - a) Prijedlog Odluke o obrazovanju Komisije za zaštitu ljudskih prava, ravnopravnost spolova, predstavke i prijedloge
 - b) Prijedlog Rješenja o izboru članova Komisije za zaštitu ljudskih prava, ravnopravnost spolova, predstavke i prijedloge
8.
 - a) Prijedlog Odluke o obrazovanju Komisije za poslove mjesnih zajednica i saradnju sa drugim općinama i gradovima
 - b) Prijedlog Rješenja o izboru članova Komisije za poslove mjesnih zajednica i saradnju sa drugim općinama i gradovima
9.
 - a) Prijedlog Odluke o obrazovanju Komisije za zdravstvo, informisanje, socijalna i vjerska pitanja
 - b) Prijedlog Rješenja o izboru članova Komisije za zdravstvo, informisanje, socijalna i vjerska pitanja
10.
 - a) Prijedlog Odluke o obrazovanju Komisije za sprovođenje javnog konkursa za dodjelu gradskog građevinskog zemljišta
 - b) Prijedlog Rješenja o izboru članova Komisije za sprovođenje javnog konkursa za dodjelu gradskog građevinskog zemljišta
11.
 - a) Prijedlog Odluke o obrazovanju Etičke komisije
 - b) Prijedlog Rješenja o izboru članova Etičke komisije

12.

- a) Prijedlog Odluke o obrazovanju Drugostepene stručne komisije
- b) Prijedlog Rješenja o izboru članova Drugostepene stručne komisije

13.

- a) Prijedlog Odluke o obrazovanju Komisije za mlade i obrazovanje
- b) Prijedlog Rješenja o izboru članova Komisije za mlade i obrazovanje

Predloženi dnevni red dajem na razmatranje.

VERNESA BEŠLIJA - vijećnica NIP-a

Predsjedavajuća, pozvali ste se na član 66. stav 3. Poslovnika Općinskog vijeća Ilijaš ("Službene novine Kantona Sarajevo", broj: 2/10,18/15 i 7/19) za sazivanje Vanredne sjednice. Član 66. stav 3. Poslovnika Općinskog vijeća Ilijaš glasi: "Vanredne sjednice održavaju se izuzetno, u slučajevima opasnosti po javnu sigurnost i sigurnost građana širih razmjera, elementarnih nepogoda, epidemija i sličnih vanrednih okolnosti". Naša tačka dnevnog reda je izbor stalih radnih tijela Općinskog vijeća Ilijaš.

ALMA OMEROVIĆ - predsjedavajuća

Kolegice, "i drugih okolnosti". Ovo sve što ste govorili kao poslovničke intervencije na početku, toliko nas važnih odluka čeka.

ALMIR ŠPIODIĆ - vijećnik NIP-a

Kolegica nije završila.

ALMA OMEROVIĆ - predsjedavajuća

Mogu li ja završiti, kolegica je meni uputila pitanje.

ALMIR ŠPIODIĆ - vijećnik NIP-a

Nije još završila pitanje.

VERNESA BEŠLIJA - vijećnica NIP-a

Piše "i sličnih vanrednih okolnosti". Kakva je veza između izbora radnih tijela sa "sličnim vanrednim okolnostima"?

ALMA OMEROVIĆ - predsjedavajuća

Obzirom da se nalazimo u jednoj teškoj epidemiološkoj situaciji, a čeka nas mnogo odluka koje trebamo donijeti, ja sam rekla da neću potpisivati nikakve Odluke OV-a bez da imamo formirana radna tijela. Znači, kao što se slijedeće sjednice desi bilo kakva opasnost ili okolnost koju ste vi prethodno kolegice pročitali, mi ne bi smo mogli donijeti ni jednu odluku bez ovih radnih tijela, odnosno ni jedna ne bi bila validna. U vezi s tim, odlučila sam da sazovem vanrednu sjednicu kako bi smo nastavili raditi, a vidjet ćete na sjednicama OV-a da imamo itekako važne Odluke koje se odnose evo upravo na situaciju kada ste upućivali poslovničke intervencije.

DINO ČUSTOVIĆ - vijećnik NIP-a

Jedino što ste ovdje ispoštovali je da se sjednica održava u sali OV-a i ništa više. Znači, mogli ste komotno održati redovnu sjednicu, prije sedam dana nam najaviti i ne znam zašto Vanredna sjednica i mislim da nema logike.

ALMIR ŠPIODIĆ - vijećnik NIP-a

Vernesa nam je ukazala kako piše u Poslovniku, a vi izgleda od prve sjednice, pa evo i danas pokušavate da zaobiđete sve ono što je maloprije kolega Bektić u svojoj svečanoj izjavi zakleo da ćemo poštovati i po tome raditi. Znači, kada sam dobio telefonski poziv za hitnu sjednicu, pa kažu formiranje komisija, pomislio sam, u najmanju ruku, da ćemo mi ovdje formirati neku Komisiju za nuklearnu nauku ili za put na svemir ili nešto slično, pa je to hitno. S druge strane sam pomislio možda se nešto desilo, neka elementarna nepogoda, možda nas je neko napao, a ja nisam upoznat s tim, pa trebali bi se braniti. Znači, molim vas, nikakvog elementa, osim ovog što kolega Dino Čustović kaže da je ispoštovano iz člana Poslovnika o radu OV-a jeste da se samo sjednica održava u sali OV-a. Ni jednog elementa nema gdje bi mogli reći da je ovo hitna sjednica. Možda bi prije bila tematska, ali to je vaša nesposobnost, vaše ad hoc djelovanje. Vi to pokazujete od početka i mi ćemo se, kako se vi prema nama ponašate, tako ponašati i prema vama. Vi ste imali čitav januar da sazovete sjednicu, pa ste imali pola decembra, doveli ste nas na kraj mjeseca i sada sazivate vanrednu sjednicu. To je vaša nesposobnost. To je nesposobnost vladajuće strukture u Ilijašu. Prije sam rekao na pauzi, da ovdje treba vratiti nekog kapiten a koji zna voditi ovo Vijeće, a ne ovako da se igramo mačke i miša, pa da se skrivamo negdje. Molim vas, ubuduće, morate opravdati ovu sjednicu, morate opravdati kada sazivate sjednice što je ona hitnog karaktera.

MEHMED SINANOVIĆ - vijećnik SDA (replika)

Ako ponovimo ovaj član 66. Poslovnika o radu OV-a gdje se kaže da se vanredne sjednice održavaju izuzetno u slučajevima opasnosti i ako se malo vratimo u bliski prethodni period vidjet ćemo da su odgođeni i izbori bili, da su održani ne u oktobru kako je to uvijek bio redoslijed, nego u novembru i samim tim sve ostalo je pomjereno i poremećeno. Ovu današnju sjednicu možemo smatrati kao nastavak Konstituirajuće sjednice. Dakle, Konstituirajuća sjednica završava onda kada imenujemo sva radna tijela Općinskog vijeća. Prema tome, ako uzmemo u obzir gdje se kaže izuzetno u opasnostima, ne možemo uzeti u obzir samo ovaj današnji dan. Dakle, moramo uzeti u obzir da su Lokalni izbori pomjereni, da je sve pomjereno, mi "sutra" trebamo donijeti Budžet Općine Ilijaš, a kako ćemo ga donijeti bez radnog tijela i dakle, tu stoji opravdanje zašto je ovo vanredna sjednica.

ALMIR ŠPIODIĆ - vijećnik NIP-a (krivi navod)

Jel se ovo vodi kao vanredna sjednica ili je nastavak Konstituirajuće sjednice? Ne možete sad tako govoriti.

HALID DIZDAREVIĆ - vijećnik SDA (poslovnička intervencija)

Kad tražite krivi navod, treba da kažete šta je krivi navod. Šta je kolega Mehmed Sinanović

rekao, pa ste vi cijenili da je to krivi navod.

ALMIR ŠPIODIĆ - vijećnik NIP-a (replika)

Kolega Sinanoviću vaše opravdanje je opravdanje koje bi moglo proći možda u IV razredu osnovne škole. Imali ste mjesec dana roka da sazovete sjednicu, da napravite kolegijalne sastanke, međustranačke i da se dogovorite oko komisija i vi to niste uradili i dovedete nas 28., pred kraj mjeseca i sazivate vanrednu sjednicu. Znači, vaše opravdanje, to kao bila je Korona, odgođeni su izbori itd. Ta opravdanja meni ne znače ništa. Opravdanje razloga sazivanja sjednice vaša je nesposobnost. Konkretno i vaša, obzirom da se predsjednik političke organizacije SDA i vašeg rukovodstva što niste bili da sazovete i napravite kolegijalni sastanak. Držite dignitet i ono što je sve do sada bilo u Vijeću, vi ste počeli nešto raditi na svoju "ruku", ali ne znam kako će ovo završiti ako nastavite tako raditi.

HALID DIZDAREVIĆ - vijećnik SDA

Maloprije je bio krivi navod i poslovnička intervencija, tražio sam po redovnoj proceduri riječ. Dakle, uporno ponavljajući kolega Špiodiću nekome da je nesposoban i tako to, nije korektno i nećete vi sada ubijediti nekoga da je neko nesposoban ukoliko ponovite to nekoliko puta. U članu 69. stav 7. piše: "Izuzetno, u hitnim slučajevima, predsjedavajući Općinskog vijeća može sazvati sjednicu Općinskog vijeća u roku kraćem od sedam (7) dana, a dnevni red predložiti na samoj sjednici". To stoji u članu 69. stav 7. Pročitajte. I kaže se da predsjedavajući Općinskog vijeća će obavjestiti Općinsko vijeće o razlozima hitnosti sazivanja sjednice. Mi danas po proceduri apsolutno ispravno vodimo ovu sjednicu. Dakle, sve procedure su provedene. U čemu je problem zaista? Nemojte čitati samo jedan član Poslovnika, imate tu malo više članova.

ALMIR ŠPIODIĆ - vijećnik NIP-a (replika)

HALID DIZDAREVIĆ - vijećnik SDA (poslovnička intervencija)

Prvo ste rekli "krivi navod", niste ispoštovali krivi navod. Nakon krivog navoda, možete da kažete šta sam rekao pogrešno, pa da onda tražite repliku.

ALMIR ŠPIODIĆ - vijećnik NIP-a (replika)

Vrlo vješt vijećnik u OV-u, i želim da mu ukažem ono što je on rekao pogrešno, a to je da ja pokušavam nekoga ubijediti da je uradio pogrešnu stvar ili da je nesposoban.

ALMA OMEROVIĆ - predsjedavajuća (poslovnička intervencija)

Otišli ste sa dnevnog reda, tj. raspravljamo o dnevnom redu koji sam prethodno pročitala. Sve i jednom vijećniku ću oduzeti riječ ukoliko ne budete raspravljali o dnevnom redu današnje sjednice. Imali smo poslovničke intervencije prije početka čitanja dnevnog reda i mislim da zaista nije korektno da idete toliko da objašnjavate međusobno međustranačke stvari šta je ko uradio, šta nije. Raspravljamo isključivo o dnevnom redu. Da li imate prijedloga da se neke tačke povuku sa dnevnog reda ili da se neke uvrste u dnevni red, izvolite recite.

ALMIR ŠPIODIĆ - vijećnik NIP-a (replika)

Pa ja i govorim o dnevnom redu. Zaista je interesantno da ste jednom vrstom vijećnika koji je evo ne znam koji mandat u Vijeću, ubijedili sa ovim vašim obrazloženjem da ova sjednica ima karakter hitnosti. Nađite mi tačku, bilo šta u ovom dnevnom redu, koji karakteriše hitnost sjednice. Ljudi pametni ste. Šta u je u ovom predloženom dnevnom redu hitno? Molim vas navedite šta je hitno.

ALMA OMEROVIĆ - predsjedavajuća

Kolega, na samom početku obrazlaganja, ako ja sazivam hitnu sjednicu ja je i sazivam i ja ću za nju odgovarati da li je po propisima ili nije. Ponovo vam za kraj objašnjavam, sazvana je hitna sjednica, možemo u diskusijama ako želite o toj odgovornosti ili ne odgovornosti, a Komisija za izbor i imenovanja ima svu dokumentaciju. Vi naravno niste bili na međustranačkim sastancima, ali jeste kolegica. Ja sam se zaista potrudila kao predsjedavajuća da budem kolegijalna, produžavala rokove.

ALMIR ŠPIODIĆ – vijećnik NIP-a

Molim vas odgovorite šta je hitno u sjednici u toj Vašoj diskusiji.

ALMA OMEROVIĆ - predsjedavajuća

Hitno je da se formiraju radna tijela, jer moramo donositi važne Odluke i završena je moja diskusija po pitanju dnevnog reda.

ADNAN ABADŽIJA – vijećnik NIP-a

Predsjedavajuća, ne znam kako vi ne razumijete stvari da Vi ne možete vanrednu sjednicu sazvati po pitanju ovoga. Ovdje piše "i sličnih vanrednih okolnosti".

ALMA OMEROVIĆ – predsjedavajuća (poslovnička intervencija)

Kolega, i dalje pričamo o dnevnom redu i zamolit ću Vas da se držite tačaka dnevnog reda, a ne o tome kako ja mogu sazvati vanrednu sjednicu ili ne mogu. Itekako mogu i ja sam odgovorna za sazivanje hitne sjednice.

Kolega hoćete li da nešto raspravljate i diskutijete o dnevnom redu?

ADNAN ABADŽIJA – vijećnik NIP-a

Upravo o dnevnom redu. Ovo što je predloženo ne može ići na dnevni red vanredne sjednice. Vi ste mogli da sazovete nastavaka Konstituirajuće sjednice, kao što reče kolega Sinanović. Ovo ne može imati karakter vanredne sjednice.

ALMIR ŠPIODIĆ – vijećnik NIP-a (replika)

Što ste tako drski, polako.

ALMA OMEROVIĆ – predsjedavajuća

Ne dobacujte kolega Halide.

ALMIR ŠPIODIĆ – vijećnik NIP-a (replika)

Replika se odnosi na kolegu Abadžiju koji je iznio detalje i počeo izniti detalje. Vrlo je povezano sazivanje sjednice sa dnevnim redom. Tamo je rečeno da će predsjedavajući obrazložiti razloge hitnosti vanredne sjednice. Vi nama niste obrazložili razloge zbog kojih ste sazvali vanrednu sjednicu.

ALMA OMEROVIĆ – predsjedavajuća (poslovnička intervencija)

Vraćate se na početak, pročitala sam predloženi dnevni red. Izvolite, o predloženom redu možete diskutovati ili o onom što želite da se nađe na dnevnom redu.

ALMIR ŠPIODIĆ – vijećnik NIP-a (replika)

Želim da diskutujem o dnevnom redu. Šta je u dnevnom redu među ovim tačkama hitno da se moraju danas usvojiti na vanrednoj sjednici. Molim Vas, odgovorite mi, obrazložite mi, dajte mi neke činjenice. Ja sam vrlo rad da učestvujem u radu ove sjednice Općinskog vijeća.

ADNAN ABADŽIJA – vijećnik NIP-a (replika)

Ja ću replicirati kolegi. On pita šta je u dnevnom redu? Mi smo ovdje dobili nekolicinu prijedloga i rješenja za izbor radnih tijela, a nismo pogledali ni ko je, ni šta je. Mi bi ovo trebali pročitati da vidimo ko je predložen, koliko procentualno pripada koliko čega, koliko kome.

ALMIR ŠPIODIĆ – vijećnik NIP-a (replika)

Kolega Abadžija hvala Vam što ste me uputili da biramo radna tijela itd., ali ja i dalje potenciram ono što Vi nećete, ne želite ili ne možete da shvatite. Šta je među ovim tačkama dnevnog reda hitno, pa je sazvana vanredna sjednica? Molim Vas odgovorite. Dužni ste nam obrazložiti hitnost vanredne sjednice. Šta se desilo: elementarne nepogode, moramo Budžet usvojiti sutra, šta moramo? Koje radno tijelo je bitno za funkcionisanje? Je li možda u pitanju zdravlje ljudi? Kada ste pročitali dnevni red, niste nam obrazložili razloge sazivanja vanredne sjednice, a očekivao sam da će biti tačka obrazloženja razloga sazivanja Vanredne sjednice. Nemate obrazloženje, radite na svoju "ruku", radite kako Vi mislite da je ispravno, a siguran sam da u ovoj sali pola ljudi se ne slaže, ali činjenica je da li će samo imati hrabrosti da to kažu. Ljudi sve vam piše. Čitajte dnevni red i pročitajte član 66. Poslovnika o radu OV-a. Ja ne znam na kojem jeziku da Vam se obratim da me razumijete šta govorim. Ovo ne može biti vanredna sjednica, a može biti tematska.

ALEMA DŽAFO – vijećnica NIP-a (replika)

Kada sam dobila poziv za hitnu sjednicu, rečeno je da će dnevni red biti na stolu i nadala sam se da je to vezano za epidemiološku situaciju, s obzirom šta će nas sve dočekati

ovdje, a sada je na dnevnom redu recimo prijedlog Odluke o obrazovanju Komisije za zaštitu ljudskih prava. Po čemu je to hitno?

ADNAN ABADŽIJA – vijećnik NIP-a

Ispred Kluba vijećnika NIP-a tražim pauzu od 10 minuta.

ALMA OMEROVIĆ – predsjedavajuća

Kolega Vi možete tražiti pauzu od 15 minuta, tako da to možete iskoristiti.

ADNAN ABADŽIJA – vijećnik NIP-a

Znam, zahvaljujem Vam.

Uslijedila je pauza od 10 minuta (od 12:00 do 12:10h)

KENAN BUZA – vijećnik NIP-a

Ja bih još jednom da prodiskutujem o dnevnom redu sjednice i samom njenom karakteru hitnosti. Po Vama, razlog hitnosti Vanredne sjednice je izbor stalnih radnih tijela Općinskog vijeća Ilijaš. Pročitali smo već nekoliko puta, a ja ću ponoviti da u članu 66. Poslovnika o radu Općinskog vijeća

ALMA OMEROVIĆ – predsjedavajuća (poslovnička intervencija)

Kolega, raspravljamo o dnevnom redu, a ne o razlozima sazivanja Vanredne sjednice. Pričajte o dnevnom redu.

KENAN BUZA – vijećnik NIP-a (poslovnička intervencija)

Želim da uputim poslovničku intervenciju po pitanju sazivanja sjednice i samog njenog karaktera hitnosti

ALMA OMEROVIĆ – predsjedavajuća (poslovnička intervencija)

Kolega, molim Vas. Ja ne znam da li vi uopšte čujete šta ja Vama govorim. Mi smo davno izdiskutovali o tome i ja sam dala uvodno izlaganje i razloge sazivanja. Dakle, molim Vas držite se dnevnog reda koji je predložen.

ALMIR ŠPIODIĆ – vijećnik NIP-a (poslovnička intervencija)

Možet li nam ponovo reći razloge sazivanja Vanredne sjednice.

ALMA OMEROVIĆ – predsjedavajuća

Ne mogu vam reći. Oduzimam vam riječ. Kolega Buza izvolite, nastavite diskusiju o dnevnom redu.

KENAN BUZA – vijećnik NIP-a

Izbor stalnih radnih tijela OV-a ni po kakvim Poslovniciama ne može biti hitan slučaj koji ste Vi nama obrazložili da su ta radna tijela koja treba da obrazujemo

HALID DIZDAREVIĆ – vijećnik SDA (poslovnička intervencija)

Ja zaista moram još jednom da Vas podsjetim kolega Buza da vi odstupate od dnevnog reda, odnosno od samog toka sjednice. Uzeli ste poslovničku intervenciju na dnevni red i Vi ponovo ne pričate o dnevnom redu, nego se stalno vraćate razlozima i zašto je sazvana sjednica. Je li hitna ili nije hitna. Dakle, Vi tražite objašnjenje da Vas neko sada ubijedi je li ova sjednica hitna ili nije. U članu 69. rekao sam vam već da predsjedavajući OV-a ima pravo da zakaže sjednicu, da dobijete dnevni red na stolu uz apsolutno mišljenje da je ona hitna i izuzetna.

ALMIR ŠPIODIĆ – vijećnik NIP-a (poslovnička intervencija)

Poslovnička intervencija kolega Dizdareviću, mi upravo govorimo o dnevnom redu i pitam šta je na dnevnom redu hitno što može biti razlog sazivanja Vanredne sjednice? Vi nas ne trebate ubjeđivati, vi trebate ubjediti sebe prvo u ovo. Nas nemate potrebe ubjeđivati.

HALID DIZDAREVIĆ – vijećnik SDA (replika)

ALMA OMEROVIĆ – predsjedavajuća

Kolega Dizdareviću, ne možete replicirati.

Kolega Špiodiću, ponovo objašnjavamo početak stvari. Zamolit ću Vas da ne koristite poslovničke intervencije, jer ćete me dovesti u situaciju da Vam ne dam riječ.

Znači, kolega Buza nastavite sa diskusijom o dnevnom redu.

Kolega Špiodiću, još Vas jednom opominjem. Zamolit ću Vas da prestanete pričati bez moje dozvole. Ja vodim sjednicu.

Kolega Buza nastavite sa diskusijom o dnevnom redu, a ne o pitanjima zašto je Vanredna sjednica, jer sam obrazloženje dala na početku. Ukoliko vam nije jasno, vratite se u vaše baze i pročitajte Poslovnik o radu OV-a.

Izvolite, diskusija o dnevnom redu.

KENAN BUZA – vijećnik NIP-a

Vi ste dužni nama odgovoriti na poslovničku intervenciju i nismo dužni da nastavljamo sjednicu dok ne dobijemo odgovore.

ALMA OMEROVIĆ – predsjedavajuća

Kolega, je li Vi diskutujete ili meni govorite šta sam ja dužna. Hoćete li nastaviti pričati o dnevnom redu, obzirom da diskutujete.

KENAN BUZA – vijećnik NIP-a

Ja sam se javio za poslovničku intervenciju.

ALMA OMEROVIĆ – predsjedavajuća

Vi ste iskoristili Vašu mogućnost poslovničke intervencije.

KENAN BUZA – vijećnik NIP-a

Niste mi odgovorili na moju poslovničku intervenciju.

ALMA OMEROVIĆ – predsjedavajuća

Nastavite diskutovati o dnevnom redu.

KENAN BUZA – vijećnik NIP-a

Vi meni niste odgovorili na moju poslovničku intervenciju.

ALMA OMEROVIĆ – predsjedavajuća

Kolega, ovo je posljednji put da Vam objašnjavam. Na početku sam rekla šta je razlog sazivanja Vanredne sjednice i više nisam dužna apsolutno ni jednom Vama ponavljati. Zaista ne znam kako da “doprem” do Vas, ne znam da li Vi mene čujete. To su Vaši razlozi, jednostavno Vaša nekakva promišljanja, slušanja ili kako već percipirate ono što ja govorim. Znači, nastavite diskutovati o dnevnom redu.

KENAN BUZA – vijećnik NIP-a

Po Poslovniku o radu OV-a Vi ste nama dužni dati odgovor.

ALMA OMEROVIĆ – predsjedavajuća

Kolega, oduzimam Vam riječ. Ne možete više diskutovati zato što se ne držite dnevnog reda.

ALMIR ŠPIODIĆ – vijećnik NIP-a (replika)

Poštovana predsjedavajuća, ja zaista želim da ova sjednica protekne u najboljem redu, da nam dozvolite da govorimo i da repliciramo jedni drugima i iznesemo šta imamo. Vi nas uporno prekidate. Kolega Buza, Vi ste počeli govoriti o dnevnom redu. Mi se očigledno ne razumijemo, kao da kineski jezik govorimo. Pričamo o dnevnom redu. Rekli ste da je dnevni red izbor radnih tijela u komisijama. E sada, ja gledam ovaj dnevni red i pitam Vas šta je hitno? Šta je to što ugrožava ljudske živote, javna dobra i tako redom? Na ovom dnevnom redu kojeg mi trebamo usvojiti nađite mi i jednu tačku koja je hitna?

ALMA OMEROVIĆ – predsjedavajuća (poslovnička intervencija)

Kolega, posljednji put Vas upozoravam da replicirate, da diskutujete o dnevnom redu koji

je predložen. Više ni jednom nećete dobiti riječ ako ne budete poštovali dnevni red. Iskoristili ste poslovničke intervencije i mislim da sam zaista bila korektna kao i do sada u čitavom procesu. Evo kolega Sinanović će, kao predsjednik Komisije za izbor i imenovanja, na kraju izložiti sve ono zbog čega smo danas sazvali, odnosno zapisnike. Meni je žao što vi u vašim bazama niste upoznati sa procesom imenovanja ovih radnih tijela.

Znači, diskutujemo o dnevnom redu, izvolite diskutujte o dnevnom redu.

ALMIR ŠPIODIĆ – vijećnik NIP-a

Zašto nas ponižavate poštovana predsjedavajuća? Ja se Vama obraćam sa Vi, a Vi nama kažete da mi "kao nešto". Ne znam zašto nas ponižavate da mi nešto u našim bazama nismo ispoštovali.

ALMA OMEROVIĆ – predsjedavajuća

Kolega, i dalje ne pričate o dnevnom redu. Ne pričamo o nikakvom poniženju. Zamolit ću Vas da se držite dnevnog reda.

MEHO HIDO – vijećnik NIP-a

Pričam o predloženom dnevnom redu. Trinaest tačaka dnevnog reda koje ste predložili. U ovim tačkama dnevnog reda, očigledno je da Vi vidite hitnost sazivanja za ovu sjednicu, dok s druge strane, mi to ne primjećujemo. Ovdje je bilo pozivanja na član 69. Poslovnika o radu OV-a na vanredne okolnosti i razlog za sazivanje sjednice. Mi, na području naše općine, trenutno imamo tih vanrednih okolnosti i smatram da bi se dopunom ovog dnevnog reda moglo donekle opravdati karakter sazivanja hitne sjednice.

MEHO HIDO – vijećnik NIP-a

Kolega, šta predlažete za dopunu dnevnog reda?

MEHO HIDO – vijećnik NIP-a

Pored ovih 13 tačaka dnevnog reda, predlažem tačku dnevnog reda: Vanredno stanje u predjelu planine Ozren. Imamo zametene porodice, naselje Šići. To je jedna tačka. Druga tačka, odnosno 15. tačka dnevnog reda: Skorašnji početak nastave tj. situacija na gornjem kraju općine po pitanju đaka, pokrivenosti internetom, jer su nam ta djeca najbitnija.

ALMA OMEROVIĆ – predsjedavajuća (poslovnička intervencija)

S obzirom da je ovo Vanredna sjednica i da ne možemo raspravljati o tačkama dnevnog reda koje nisu tematski pripremljene. Ukoliko se ukaže potreba za takvim tačkama dnevnog reda, naravno, upoznat će te rukovodstvo Općinskog vijeća i sazvat ćemo neku drugu hitnu sjednicu.

MEHO HIDO – vijećnik NIP-a (replika)

Nastavite sa diskusijom imate tu Poslovničku mogućnost.

MEHO HIDO – vijećnik NIP-a

Sa diskusijom, ja sam pri kraju. U ovom prijedlogu se vidi hitnost za ovo stanovništvo gore i djecu. Oni ne mogu čekati drugu priliku predsjedavajuća. Ta druga prilika može koštati živote. Sama hitnost sjednice i njeno odlaganje sa početka ove sjednice sa 10 na 10:30, na 11:15 ne opravdava tu hitnost. Znači, kada je nešto hitno odmah se djeluje.

ALEN HASKOVIĆ – vijećnik SDA (poslovnička intervencija)

Kolega Hido govori o proširenju dnevnog reda, a član 71. Poslovnika tačno definiše kako se može proširiti dnevni red. Potrebno je proširenje predložiti i pismeno dostaviti tri dana prije održavanja sjednice. Na samoj sjednici nije moguće proširiti dnevni red. Na samoj sjednici mogu se samo skinuti određene tačke dnevnog reda.

ALMIR ŠPIODIĆ – vijećnik NIP-a (replika)

Zaista, Meho Hido je predložio dvije tačke dnevnog reda koje mogu imati karakter hitnosti. Ne znam, ali mislim da mogu vijećnici na sjednici predlagati dopunu dnevnog reda koliko sam ja upućen. Ne znam, možda nisam dobro pročitao, ali pogledat ću to. U potpunosti se slažem sa diskusijom Mehe Hida koji je iznio činjenice šta bi to moglo biti hitnost vanredne sjednice. Vanredna sjednica bi imala karakter da smo raspravljali danas zašto na gornjem kraju učenici nemaju mogućnost pristupa on-line nastavi u većem dijelu. Koriste nešto preko 3G mreže.

ALMA OMEROVIĆ – predsjedavajuća (poslovnička intervencija)

Kolega ponovo se ne držite tačke dnevnog reda i replike onog što ste replicirali kolegi. Kolega je obrazložio poslovničkom intervencijom, pomogao je lično meni. Znači, ne možete danas dopunjavati dnevni red.

HALID DIZAREVIĆ – vijećnik SDA

Ova diskusija kolege Hida je jako konstruktivna i cijenim da bi ove tačke koje je predložio trebalo da se što skorije nađu na dnevnom redu. Nažalost, Poslovnik nam sad to ne dozvoljava, a kolega Hasković je to obrazložio, ali cijenim da je redovna sjednica jako brzo i molim vas, ukoliko organ Općinsko vijeća može, da to pripremi, a i mi da se pripremimo i da smo malo bolje upoznati s tom situacijom, ovo što ste vi obrazlagali i cijenim da je neophodno da se te tačke u budućnosti nađu na dnevnom redu.

MEHO HIDO – vijećnik NIP-a (replika)

Vaše pozivanje na ovaj član i na odlučivanje o dnevnom redu, znači o prijedlogu koji je trebalo dostaviti tri dana prije održavanja sjednice, smatram da je u ovom slučaju, fizički i teoretski bilo neizvodljivo, zbog razloga da smo obavijest o ovoj sjednici, ja sam je dobio prije dva dana i smatram da je Vaša replika neosnovana.

VERNESA BEŠLIJA – vijećnica NIP-a

Rekli ste da ja nisam, niste mene imenovali, da moje kolege nisu dovoljno upućene o

međustranačkom sastanku vezano za radna tijela. Pa evo koristim priliku, zaista sam razočarana saradnjom kolega iz SDA, prije svega, kolege Sinanovića. Znači, na prvom održanom sastanku za radna tijela 13. Januara dogovorili smo

ALMA OMEROVIĆ – predsjedavajuća

Kolegice raspravljamo o dnevnom redu. Dnevni red nismo još usvojili.

VERNESA BEŠLIJA – vijećnica NIP-a

Nemojte me prekidati. Rekli ste da ja nisam dovoljno informisala svoje kolege.

ALMA OMEROVIĆ – predsjedavajuća

Trebali ste mi odmah replicirati, a ovo se odnosi na Vašu diskusiju tako da ću Vas zamoliti da raspravljate o dnevnom redu.

VERNESA BEŠLIJA – vijećnica NIP-a

Uredu, sada.

AMINA RAMIĆ – vijećnica NIP-a

Hido je kazao srž onoga što sam htjela, tako da se ne ponavljamo.

MUHAMED HANDŽIĆ – vijećnik SBB-a

Moja diskusija se odnosi na diskusiju kolege Hido i zaista njegova diskusija, a posebno njegovi prijedlozi za dnevni red imaju elemenata o kojim bi se trebalo raspravljati hitno. Međutim, ima nešto drugo što nas limitira kao Općinsko vijeće. Dugo sam općinski vijećnik ovdje, pa dajem sebi za pravo da kažem, a hoćete li se vi složiti ili nećete i jedni i drugi, to moja briga nije. Radi se o sljedećem: dakle, u Općini Ilijaš nije proglašena elementarna nepogoda, nije proglašeno vanredno stanje. Ja imam istu ili sličnu situaciju kao kolega Hido i suosjećam sa situacijom i položajem iz kojeg on dolazi. Čovjek opravdano traži da se riješe problem u njegovoj zajednici. Međutim, ovdje kada se proglasi stanje elementarne nepogode, u Općini Ilijaš, načelnik općine formira krizni štab, ako mi dozvolite da dam pojašnjenje. U tom kriznom štabu se nalaze određena lica koja mogu, koja intervenišu, između ostalog navest ću pomoćnika načelnika CZ, načelnik sam ili koga on ovlasti, predsjedavajući ili zamjenik predsjedavajućeg, to su ljudi koji učestvuju u tom štabu. U ovom slučaju sada nije proglašeno stanje elementarne nepogode i mi ne možemo da raspravljamo o toj situaciji o kojoj Vi govorite. To je jedno. Drugo, ukoliko se ukaže potreba, a ukazala se, naravno i njena hitnost je u svakom slučaju bitna, predsjednik savjeta mjesne zajednice iz koje Vi dolazite (ja sve ovo govorim iz iskustva), mora hitno intervenisati kod načelnika i on saziva predsjedavajućeg i dopredsjedavajućeg OV-a a ako ima potrebe sjednicu OV-a. Znači, to su procedure. Ovaj Poslovnik o radu OV-a koji ima niz anomalija i koji će se u budućnosti vjerovatno morati dorađivati i prerađivati, ne može spriječiti, ne može nas limitirati, kao ljude prije svega, kao odgovorne ljude, da intervenišemo u bilo kojem dijelu Općine Ilijaš. Zamolio bih kolege da se ne pozivaju nikada na Poslovnik kada treba hitno intervenisati u nekom dijelu naše općine. Dakle, u svakom slučaju, ako treba pomoći Hidi, evo ja sam spreman da idemo odmah

gore da pomognemo u njegovom području, a isto to očekujem od vas svakog da pomognete u podrčju iz kojeg ja dolazim.

Hvala predsjedavajuća i hvala kolegama što su mi dozvolili da ovo obrazložim na svoj i ljudski način kako bi to trebalo riješiti. Otprilike to je i neki zakonski okvir do kojeg se dolazi ovo što gospodin Hido traži.

DINO ČUSTOVIĆ – vijećnik NIP-a (replika)

Cijenim diskusiju kolege Handžića, ali moramo priznati da zaista jeste elementarna nepogoda ako ljudi nemaju struju i vodu. To je to.

ALMIR ŠPIODIĆ – vijećnik NIP-a

Zaista se vidi to iskustvo kolege Handžića kada on progovori konstruktivno, iznese mišljenje po pitanju dnevnog reda i ovog što su kolege diskutovale. Interesantno je, predsjedavajuća mu je dozvolila da govori i korisno je da svi čuju ovo što je on iznio maloprije. Nisam razumio u diskusiji kolega Handžića da li dnevni red kojeg imamo na stolu opravdava hitnost vanredne sjednice. Danas dnevni red koji imamo na stolu, razlog sazivanja sjednice da li opravdava hitnost Vanredne sjednice? Da li opravdava karakter Vanredne sjednice.

ADNAN ABADŽIJA – vijećnik NIP-a

Po svemu sudeći, Komisija za izbor i imenovanja na sastanku 13. i 14. je imala situaciju da to završi, da ne ide nama na dnevni red na Vijeće, sve ove tačke dnevnog reda da poreda kako je koja partija osvojila broj mandata. Ovaj dnevni red je treba biti završen na međustranačkom sastanku, poredano sve kako treba, onako kako je to proporcija broj vijećnika

ALMA OMEROVIĆ – predsjedavajuća (krivi navod)

Kolega, ne utvrđuje dnevni red međustranački sastanak. S obzirom da je sjednica vanredna, ne možemo govoriti ko saziva, ja sazivam vanrednu sjednicu.

ADNAN ABADŽIJA – vijećnik NIP-a

Vi ste sazvali i napravili ste grešku u terminu i bolje da ste naglasili da je to tamatska sjednica, ali eto. Po ovom mom mišljenju Vi ste tamo dogovorili, ovdje stoji "jednoglasno dogovorili" na međustranačkom sastanku kako slijedi: SDA 12 vijećnika - 33,6 članova u komisijama, NIP 8 vijećnika - 22 člana".

ALMA OMEROVIĆ – predsjedavajuća (poslovnička intervencija)

Kolega, pričamo o dnevnom redu. O postotcima i bilo čemu drugom možemo kada dođemo na određenu tačku dnevnog reda i procenat koji se odnosi brojnost komisija.

ADNAN ABADŽIJA – vijećnik NIP-a

Vi non stop upadate u riječ.

ALMA OMEROVIĆ – predsjedavajuća (poslovnička intervencija)

Moram Vas prekinuti, jer naprosto niste na dnevnom redu.

ADNAN ABADŽIJA – vijećnik NIP-a

Dnevni red je meni dostavljen maloprije, a što kolega reče, tri dana prije održavanja sjednica treba dostaviti dnevni red. Šta da radimo po tom pitanju ako je dnevni red trebao biti dostavljen prije tri dana i naši prijedlozi za dnevni red, a mi ga danas dobili evo.

ALMA OMEROVIĆ – predsjedavajuća

Nemojte molim vas dobacivati, kolega diskutuje.

ADNAN ABADŽIJA – vijećnik NIP-a

Ne znam ja koja je ovo sjednica, meni se čini da je nastavak Konstituirajuće sjednice.

ALMIR ŠPIODIĆ - vijećnik NIP-a (poslovnička intervencija)

Vezano za dnevni red što kolega Abadžija govori. Kolega Abadžija spominje međustranačke sastanke, da su oni tamo trebali dogovoriti dnevni red. Međutim, ono što je urađeno, međustranački sastanci su održani.

ALMA OMEROVIĆ – predsjedavajuća

Kolega, oduzimam Vam riječ zato što ne pričate o dnevnom redu. Ovdje ne pričamo o međustranačkim sastancima.

Kolega Abadžija nastavite diskusiju

ADNAN ABADŽIJA – vijećnik NIP-a

Znači, dnevni red smo dobili danas sa prijedlozima za sastav članova komisija, tj. radnih tijela Općinskog vijeća. Međutim, letimično sam ovo pregledao i ovo u svim Komisijama za dnevni red, je stvarno bez obraza ako je procentualno trebalo biti zastupljeno u Komisijama po, evo da kažem četiri partije: SDA, NIP, SDP i SBB, tačno se zna koliko kome procenata pripada.

ALMA OMEROVIĆ – predsjedavajuća

Kolega, molim Vas, ne znam kojim jezikom da Vam kažem. Znači, pričamo o predloženom dnevnom redu. O pojedinostima, o procentima, o članovima koliko ko ima u Komisiji, pričat ćemo kada dođemo na svaku tačku dnevnog reda za koju imate potrebu da prokomentarišete zašto tu ima neki član ili nema. Znači, diskutujemo isključivo o dnevnom redu koji sam pročitala.

ADNAN ABADŽIJA – vijećnik NIP-a

Evo to je na dnevnom redu i ne znam zašto Vi to tamo niste dogovorili već da mi danas nemamo poteškoća ili Vi imate direktivu, ingerenciju sa druge strane.

ALMA OMEROVIĆ – predsjedavajuća

Kolega, oduzimam Vam riječ zato što se ne držite tačke dnevnog reda, evo već drugi put Vas opominjem.

ALEMA DŽAFO - vijećnica NIP-a

Ja stvarno ne znam šta bi moglo biti hitnije od ovoga što je kolega Hido rekao. Djeca sutra kreću u školu i mnoga djeca na području Općine Ilijaš nemaju mogućnost pratiti nastavu. "Sutra" će ta djeca sjediti ovdje u ovim klupama i odlučivat će o našem životu, a mi sada ne raspravljamo o njima. Smatram da je to mnogo hitnije nego ovo. Druga stvar, ako je već rečeno da se prijedlog za dopunu dnevnog reda mora dostaviti tri dana prije održavanja sjednice, mi dnevni red, kao prvo, nismo ni imali, kako da ga onda dopunjavamo, a drugo, obavještenje za sjednicu je bilo dva ili tri dana prije ove sjednice.

ALMIR ŠPIODIĆ - vijećnik NIP-a (poslovnička intervencija)

Zaista predsjedavajuća može sazvati vanrednu sjednicu, može je sazvati dan prije, može.

ALMA OMEROVIĆ – predsjedavajuća

Kolega oduzimam vam riječ zato što i dalje ne pričate o dnevnom redu, nego o pozivu hitne sjednice.

Kolega opominjem Vas, nije Vam opravdana poslovnička intervencija.

Ukoliko se više niko ne javlja za riječ, predloženi dnevni red dajem na glasanje.

Općinsko vijeće je većinom glasova usvojilo slijedeći

DNEVNI RED

Izbor stalnih radnih tijela Općinskog vijeća:

1.

- a) Prijedlog Odluke o obrazovanju Komisije za statut i propise
- b) Prijedlog Rješenja o izboru članova Komisije za statut i propise

2.

- a) Prijedlog Odluke o obrazovanju Komisije za administrativne poslove, budžet, privredu, finansije i ekonomska pitanja
- b) Prijedlog Rješenja o izboru članova Komisije za administrativne poslove, budžet, privredu, finansije i ekonomska pitanja

3.

- a) Prijedlog Odluke o obrazovanju Komisije za kulturu i sport
- b) Prijedlog Rješenja o izboru članova Komisije za kulturu i sport

4.

- a) Prijedlog Odluke o obrazovanju Komisije za boračka pitanja
- b) Prijedlog Rješenja o izboru članova Komisije za boračka pitanja

5.

- a) Prijedlog Odluke o obrazovanju Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa
- b) Prijedlog Rješenja o izboru članova Komisije za javna priznanja, obilježavanje historijskih

događaja i ličnosti i zaštitu kulturnog i prirodnog naslijeđa

6.

a) Prijedlog Odluke o obrazovanju Komisije za prostorno uređenje, stambeno- komunalne poslove i ekologiju

b) Prijedlog Rješenja o izboru članova Komisije za prostorno uređenje, stambeno- komunalne poslove i ekologiju

7.

a) Prijedlog Odluke o obrazovanju Komisije za zaštitu ljudskih prava, ravnopravnost spolova, predstavke i prijedloge

b) Prijedlog Rješenja o izboru članova Komisije za zaštitu ljudskih prava, ravnopravnost spolova, predstavke i prijedloge

8.

a) Prijedlog Odluke o obrazovanju Komisije za poslove mjesnih zajednica i saradnju sa drugim općinama i gradovima

b) Prijedlog Rješenja o izboru članova Komisije za poslove mjesnih zajednica i saradnju sa drugim općinama i gradovima

9.

a) Prijedlog Odluke o obrazovanju Komisije za zdravstvo, informisanje, socijalna i vjerska pitanja

b) Prijedlog Rješenja o izboru članova Komisije za zdravstvo, informisanje, socijalna i vjerska pitanja

10.

a) Prijedlog Odluke o obrazovanju Komisije za sprovođenje javnog konkursa za dodjelu gradskog građevinskog zemljišta

b) Prijedlog Rješenja o izboru članova Komisije za sprovođenje javnog konkursa za dodjelu gradskog građevinskog zemljišta

11.

a) Prijedlog Odluke o obrazovanju Etičke komisije

b) Prijedlog Rješenja o izboru članova Etičke komisije

12.

a) Prijedlog Odluke o obrazovanju Drugostepene stručne komisije

b) Prijedlog Rješenja o izboru članova Drugostepene stručne komisije

13.

a) Prijedlog Odluke o obrazovanju Komisije za mlade i obrazovanje

b) Prijedlog Rješenja o izboru članova Komisije za mlade i obrazovanje

ALMIR ŠPIODIĆ - vijećnik NIP-a

Izrazio je sumnju u glasanje i zatražio pojedinačno glasanje.

ZA su glasali sljedeći vijećnici: Alma Omerović, Mehmed Sinanović, Elma Masnopita, Alen Hasković, Alen Arnautović, Adem Alić, Halid Dizdarević, Seid Bektić, Kenan Hasić, Semir Dedić, Denis Dilberović, Selma Barić, Akif Bešlija i Muhamed Handžić

PROTIV su bili sljedeći vijećnici: Alema Džafo.

UZDRŽANI su bili sljedeći vijećnici: Vernesa Bešlija, Almir Špiodić, Kenan Buza, Dino Čustović, Adnan Abadžija Amina Ramić i Meho Hido.

Odsutni vijećnici: Anel Bumbulović, Alan Šerak i Anela Subašić.

Konstatovano je da je dnevni red usvojen sa 14 glasova ZA, 1 PROTIV i 7 UZDRŽANIH.

AD-1

- a) Prijedlog Odluke o obrazovanju Komisije za statut i propise
- b) Prijedlog Rješenja o izboru članova Komisije za statut i propise

ALMA OMEROVIĆ - predsjedavajuća

Slažete li se da u paketu diskutujemo i glasamo o ovim tačkama dnevnog reda.

ALMIR ŠPIOODIĆ - vijećnik NIP-a

Ja nisam za to.

ALMA OMEROVIĆ - predsjedavajuća

Predložit ću Zaključak, obzirom da se bukvalno odnosi na iste tačke dnevnog reda i zamolit ću vas da pripremite Zaključak, da ne bi istu stvar ponavljali dva puta, jer su vezane tačke, pod a) i b) - pod jednom tačkom dnevnog reda.

ALMIR ŠPIODIĆ - vijećnik NIP-a (poslovnička intervencija)

Vi predlažete Zaključak da mi glasamo, odnosno u paketu da diskutujemo i glasamo.

ALMA OMEROVIĆ - predsjedavajuća

Predlažem Zaključak da diskusiju vodimo u paketu, a možemo glasati pojedinačno pod a) i b).

Općinsko vijeće je većinom glasova donijelo gore navedeni Zaključak.

Predsjedavajuća je otvorila diskusiju po prvoj tački dnevnog reda.

ALMA OMEROVIĆ - predsjedavajuća

Obzirom da sam ja sazvala sjednicu, a tu je i predsjednik Komisije za izbor i imenovanja, moj dio je da Odluku o obrazovanju Komisije za statut i propise i Rješenje o izboru predsjednika, zamjenika predsjednika i članova Komisije za statut i propise pročitam.

Član 1.

Ovom Odlukom obrazuje se Komisija za statut i propise kao stalno radno tijelo Općinskog vijeća (u daljem tekstu: Komisija), utvrđuje njen sastav i nadležnost.

Član 2.

Komisija broji pet (5) članova, između kojih Općinsko vijeće bira predsjednika i zamjenika predsjednika.

Član 3.

Nadležnost Komisije za statut i propise utvrđena je članom 47. Poslovnika Općinskog vijeća Ilijaš ("Službene novine Kantona Sarajevo", br.2/10, 18/15 i 7/19).

Član 4.

Mandat Komisije za statut i propise traje četiri godine i vezan je za mandat Općinskog vijeća.

Član 5.

Ova odluka stupa na snagu danom donošenja i ista će se objaviti u "Službenim novinama Kantona Sarajevo".

U materijalu imate i projeklog Rješenja o izboru predsjednika, zamjenika predsjednika i članova Komisije za statut i propise:

I

1	NIHAD SULJEVIĆ	Predsjednik	SDA
2	AMINA HASEČIĆ	Zamjenik predsjednika	SDA
3	EDIS OSMANOVIĆ	Član	SDA
4	ALEN BAJIĆ	Član	SBB
5	IMELA OMANOVIĆ	Član	SDP

II

Ovim rješenjem stavlja se van snage Rješenja broj:

01/1-02-3024-2.b)/16 od 13.12.2016.godine;
01/1-02-189-14.a)/18 od 30.01.2018.godine;
01/1-02-189-14.b)/18 od 30.01.2018.godine;
01/1-02-2611-11.a)/18 od 28.11.2018.godine i
01/1-02-2611-11.b)/18 od 28.11.2018.godine

III

Ovo rješenje stupa na snagu danom donošenja, a isto će biti objavljeno u "Službenim novinama Kantona Sarajevo".

VERNESA BEŠLIJA - vijećnica NIP-a

Ovdje gledam Rješenje o izboru predsjednika, zamjenika predsjednika i članova Komisije za statut i propise i već tu vidim da prijedloga člana ispred NIP-a nema. Samim tim smo pogledali i ostale prijedloge Komisija i vidimo da nekoliko naših članova nema i da nije ispoštovano ono što smo dogovorili na sastanku 13. januara, da će Komisije biti ravnopravno raspoređene prema broju osvojenih vijećničkih mandata tj. SDA 34, NIP 22, SDP 8 i SBB 5 članova u Komisijama. Naime, na sastanku 13. januara jednoglasno smo to dogovorili i Vi ste tada od nas tražili imena i ja i kolega Alan smo rekli da nećemo tek tako da dajemo imena, da vi postavljate i igrate se sa nama, ako neko nije stručan da tek tako ide u neku Komisiju, jer zaista ima Stranaka u kojima se gleda da je čovjek sposoban i da je stručna osoba, a ne samo podobna. U vezi s tim, pristali smo da se 14. januara ponovo održi sastanak u 15:00 h, a vi ćete u toku tog dana 13. januara sa svojim kolegama dogovoriti kako bi to trebalo da izgleda podjela Komisija. Znači, da nam donesete spisak u kojoj Komisiji koja stranka ima člana kako bi mi mogli otići u svoje Odbore i u roku od pet dana dostaviti prijedloge. Došli smo 14. januara po snijegu, jako puno je padao snijeg, kolega Sinanović opravdano nije mogao prisustvovati sastanku, nažalost desila se

nesreća u Rudniku Breza, i Vi ste nam predsjedavajuća rekli da Vam je samo predsjednik stranke SDA kolega Sinanović rekao da vi niste uspjeli dogovoriti i da Vam ipak damo imena kao što ste govorili dan prije. Mi naravno na to nismo pristali, jer kako da predlažem ime, jer ne znam koja Komisija nam pripada. Je li ja trebam predložiti nekoga ko je rođen 1997. ili 1998. godine i da ga vi stavite u Komisiju za boračka pitanja ili da u Komisiju za mlade dođe neko sa 60 i nekoliko godina? Poslije toga, uputili ste nam nekoliko dopisa da Vam dostavimo, a mi smo rekli da nećemo, dok nam ne dostavite tačno u kojoj Komisiji nam pripada. Tamo ste napisali u dopisu, kojim ste tražili da ste vi nama predložili raspored, odnosno učešće kandidata ispred svoje političke partije u kojim radnim tijelima bi bili zastupljeni. To nije bilo tačno, rekli ste samo da vam dostavimo na tom sastanku imena, što smo mi odbili. I sada se pitam zašto nije ispoštovan dogovor sa međustranačkog sastanka? Voljela bih da mi, prije svega, kolega Sinanović to odgovori, jer ovo stvarno nije uredu. S obzirom da nije ispoštovan dogovor, 22 člana ispred NIP-a, imena osoba koje smo naveli ispred NIP-a ćemo povući i neće ni oni biti u prijedlogu za Komisije.

SELMA BARIĆ - vijećnica SDP-a (replika)

Obzrom da sam primjetila da nije ispoštovan prvobitni dogovor od 13.01.20201. godine kao što je kolegica Vernesa navela, a prema Statutu Općine Ilijaš član 52. stav 3. kaže "Sastav stalnih radnih tijela predlaže Komisija za izbor i imenovanja, nakon prethodno obavljenih konsultacija sa političkim strankama i koalicijama zastupljenim u općinskom vijeću". Sada me interesuje da li je Komisija za izbor i imenovanja radila u skladu sa postignutim dogovorom tj. kako to da Komisija zauzme stav, a prethodno je jednoglasno dogovoreno o broju članova za sve Komisije za sve Stranke koje su zastupljene u Vijeću. Kao što je kolegica Vernesa već navela tako da vam ne čitam predmet koji je poslan općinskim organizacijama, daje nam se tačan rok za dostavu imena, ali nigdje nisam pročitala da "ukoliko ne dostavite imena u zakazanom roku, prethodni dogovor će biti izmijenjen ili poništen". Tako da niste imali nikakav osnov za izmjenu tog dogovora, jer, opet napominjem, dogovor je jednoglasno donesen i trebali ste da djelujete, kao Komisija, u skladu sa donesenim dogovorom i da dalje u skladu s tm razmatrate predmet i pretpostavljam da ste imali predmet po kojem ste radili.

ALMIR ŠPIODIĆ - vijećnik NIP-a

Po pitanju ove tačke dnevnog reda i cijelo ovo vrijeme što diskutujemo jeste način raspodjele članova Komisija. Ovo je slikovit primjer djelovanja jedne politike

ALMA OMEROVIĆ - predsjedavajuća

Kolega, samo ću Vas opomenuti da govorimo o tački dnevnog reda Prijedlog Odluke o obrazovanju Komisije za statut i propise i Prijedlog Rješenja o izboru članova Komisije za statut i propise. Pazite kako se ponašate, nadam se da ste pročitali Etički kodeks.

ALMIR ŠPIODIĆ - vijećnik NIP-a

Naravno da sam pročitao Etički kodeks i nadam se da ste ga i Vi pročitali, jer danas ste pokazali da ste ga ili zaboravili ili niste dovoljno čitali.

ALMA OMEROVIĆ - predsjedavajuća

Kolega, držite se tačke dnevnog reda.

ALMIR ŠPIODIĆ - vijećnik NIP-a

Pričam o tački dnevnog reda raspodjela članova po Komisijama u radnim tijelima. Vi ste ovdje pokazali svu bahatost, pokazali ne interesovanje za saradnjom, jer nama treba ovdje sarađivati četiri godine. Vi ste sa ova dva Vijeća pokazali da ne želite da sarađujete. Želite da ignorišete sve konstruktivne dogovore, čak narušavate dignitet ovog Vijeća.

ALMA OMEROVIĆ - predsjedavajuća (krivi navod)

Pričate da nismo sarađivali. Kolegica Vernesa je govorila o toj saradnji. Kako god je ocjenjujete, bila je kokretna i zamolit ću Vas da ovdje ne navodite krivo neke stvari.

ALMIR ŠPIODIĆ - vijećnik NIP-a

Ne navodim krivo. Vi govorite meni da ne navodim kivo, a Vi ne ispoštujete dogovor koji ste postigli na međustranačkom sastanku. I onda nama ovamo podvlačite kao mi nismo upoznati sa svojim centralama. Mi smo vrlo dobro upoznati i iskoordinisani u vezi svih ovih mjesta. Međutim, ako nastavite ovako da radite, kao što pokušavate da radite, mislim da će ovo Vijeće zaista biti teško voditi u narednom periodu i otežavate rad i načelniku i svim službama. Žao mi je što će zbog Vaše bahatosti neki drugi ljudi ispaštati. Vi nas sa ovim svojim postupkom navodite da djelujemo onako kako ni mi ne bi željeli. Zaista mi želimo da radimo u interesu građana, da onako kako je i do sada bilo rasporedimo te Komisije. Ja ne znam da je ikada bio problem u vezi ovoga. Međutim, Vi ste to, da li iz svog neznanja, da li iz te neke Vaše sile, da li vi gledate na ove ljude kao ruke, većina, imate 13 kao živo meso koje možete koristiti onako kako Vama odgovara, ne znam, i u to neću da ulazim, ja sam u prošlom sazivu Vijeća citirao jedan citat Marka Tulija Cicerona ovdje u ovom Vijeću, a sad ću ga opet ponoviti "I zaista iz dana u dan vidim da sam bio upravu. Sve što je carstvu bliži kraj, njegovi zakoni su sve luđi". Zaista i sa ovom Odlukom koju nam danas "poturate" vidim da sa bio upravu kada sam to govorio prije godinu dana.

DINO ČUSTOVIĆ - vijećnik NIP-a

Na snazi je očito provođenje jednog totalitarnog režima ili blage diktature. Mene bi čudilo zaista da ste vi ispoštovali dogovor, tako da mi je sada drago da sam po pitanju vas i stava o vama bio sve vrijeme upravu. Vi ste oni koji kršite dogovor, vi ste oni koji sprovodite diktaturu i uvodite jedan totalitarni režim u našoj općini. To provodite naročito u prethodnih deset godina i kao što reče kolega Špiodić iz dana u dan sve ste luđi u tome. Samo tako nastavite.

ALMA OMEROVIĆ - predsjedavajuća

Kolega, zamolit ću Vas da samo pazite šta pričate. Ponavljam, dobili ste na Konstituirajućoj sjednici Etički kodeks tako da se neke stvari zaisa mogu tretirati Etičkim kodeksom i želim biti kolegijalna da to ne upotrebljavamo.

VERNESA BEŠLIJA - vijećnica NIP-a (replika)

Da bi vidjeli da to što kolega Čustović kaže nije tačna, molim sekretara Vijeća da nam donese Zapisnike sa sastnaka održanih 13. i 14.01.2021. godine pa da pročitamo kakav je dogovor bio, da vidimo da li je upravu Dino ili kao što Vi kažete da je sve bilo fer i korektno.

ALMA OMEROVIĆ - predsjedavajuća

Raspravljamo o tačkama dnevnog reda koje sam prethodno pročitala i znači ne može sada sekretarka čitati te Zapisnike, jer nije to tačka dnevnog reda. Na tački 1. smo.

ALMIR ŠPIODIĆ - vijećnik NIP-a (poslovnička intervencija)

Zašto sekretarka ne bi mogla pročitati te Zapisnike?

ALMA OMEROVIĆ - predsjedavajuća

Ne može. Kolega oduzimam Vam riječ.

Iscrpili smo diskusije po ovim tačkama dnevnog reda i zamolit ću kolegu Sinanovića da napravi završno izlaganje po pitanju ove tačke dnevnog reda.

Kolega nemojte dobacivati, evidentirat ću vas i nakon dvije opomene bit ćete odstranjeni sa sjednice.

MEHMED SINANOVIĆ - predsjednik Komisije za izbor i imenovanja

Kolegica Vernesa nam je iznijela detaljan slijed koji smo radili za pripremu predlaganja radnih tijela u OV-u. Treba reći da smo dogovorili na tim sastancima da dostavimo prijedloge do 20. januara, pa smo pomjerali, zbog kašnjenja pošte, promjena kancelarija, za dva dana i nakon toga je Komisija zasjedala sa prijedlozima koji su pristigli u tom momentu. Jedini prijedlozi koji su pristigli Komisiji jesu prijedlozi Stranke SBB i Stranke SDA. Na osnovu tih prijedloga Komisija je iznijela svoje mišljenje i predložila sastav Komisija. No međutim, taj sastav Komisija nije bio potpun, a kako Komisija ne može ići na sjednicu sa nepotpunim prijedlozima, ponovo smo se obratili, ispred Komisije za izbor i imenovanja, dopisom prema političkim partijama koje do tada nisu dostavile prijedloge i dali rok od 24h da dostave imena sa tačno preciziranim u kojim Komisijama je preostalo, koje Komisije nisu bile popunjene. Ti prijedlozi su trebali da dođu do 09:00h jutros, međutim, nisu došli do 09:00h, došli su do 10:15h, ali nije važno, i na osnovu tih prijedloga mi smo popunili preostale 22 pozicije za radna tijela koja vama dajemo na usvajanje. Komisija za izbor i imenovanja je ova radna tijela predložila i završila svoj posao.

ALMA OMEROVIĆ - predsjedavajuća

Dajem na glasanje Prijedlog Odluke o obrazovanju Komisije za statut i propise .

VERNESA BEŠLIJA - vijećnica NIP-a (replika)

Ne može kolegice, završena je diskusija i rekla sam da će kolega Sinanović dati

obrazloženje.

Zamoliti ću vas da glasate.

VERNESA BEŠLIJA - vijećnica NIP-a (krivi navod)

ALMA OMEROVIĆ - predsjedavajuća

Samo da završimo glasanje, šef kluba može zatražiti riječ.
Kolege, hoćete li glasati? Hoćete li glasati, pitam još jednom?

ALMIR ŠPIODIĆ - vijećnik NIP-a (poslovnička intervencija)

Kolegica je tražila krivi navod i dužni ste joj dati krivi navod. Ne možemo mi zadnje što je kolega Sinanović iznio

ALMA OMEROVIĆ - predsjedavajuća

Nije tražila krivi navod, tražila je repliku. U toku je glasanje i zamolit ću vas kolege i počet ću vam izricati opomene. U toku je glasanje.

ALMIR ŠPIODIĆ - vijećnik NIP-a (poslovnička intervencija)

Kolegica je tražila krivi navod i niste joj dozvolili.

ALMA OMEROVIĆ - predsjedavajuća

Glasanje je završeno. Općinsko vijeće je glasalo sa 13 glasova ZA.

ALMIR ŠPIODIĆ - vijećnik NIP-a

Izrazio je sumnju u glasanje i zatražio pojedinačno glasanje.

ZA su glasali sljedeći vijećnici: Alma Omerović, Mehmed Sinanović, Elma Masnopita, Alen Hasković, Alen Arnautović, Adem Alić, Halid Dizdarević, Seid Bektić, Kenan Hasić, Semir Dedić, Denis Dilberović, Akif Bešlija i Muhamed Handžić.

UZDRŽANI su bili sljedeći vijećnici: Vernesa Bešlija, Almir Špiodić, Kenan Buza, Dino Čustović, Adnan Abadžija Amina Ramić, Meho Hido, Alema Džafo i Selma Barić.

Odsutni vijećnici: Anel Bumbulović, Alan Šerak i Anela Subašića.

Konstatovano je da je OV-e sa 13 glasova ZA i 9 UZDRŽANIH donijelo

Odluku o obrazovanju Komisije za statut i propise

b) Prijedlog Rješenja o izboru članova Komisije za statut i propise

Općinsko vijeće je većinom glasova donijelo

Rješenje o izboru članova Komisije za statut i propise

AD-2

- a) Prijedlog Odluke o obrazovanju Komisije za administrativne poslove, budžet, privredu, finansije i ekonomska pitanja
- b) Prijedlog Rješenja o izboru članova Komisije za administrativne poslove, budžet, privredu, finansije i ekonomska pitanja

ADNAN ABADŽIJA - vijećnik NIP-a

Predsjedavajuća?

ALMA OMEROVIĆ - predsjedavajuća

Ima li potrebe za uvodnim izlaganjem.

Obzirom da sam u prethodnoj tački dnevnog reda čitala članove, a to se odnosi na sve Odluke i Rješenja, a samo se mijenja naziv Komisije, ali ono što je drugačije na ovoj tački dnevnog reda jeste rješenje o izboru predsjednika ove Komisije koja je tačka dnevnog reda. Pročitala bih prijedloge za članove ove Komisije:

RB.	IME I PREZIME	POZICIJA	POLITIČKI SUBJEKT
1	EDIN ŠEHIĆ	Predsjednik	SDA
2	AZRA HERIĆ	Zamjenik predsjednika	SDA
3	LAMIJA MUSTAFIĆ	Član	SDA
4	MUHAMED HANDŽIĆ	Član	SBB
5	MIREL ŠAHMANOVIĆ	Član	SDP

Otvaram diskusiju, ko se javlja za riječ?

Kolega Abadžija. Zamolit ću vas, javili ste se za riječ.

ADNAN ABADŽIJA - vijećnik NIP-a

Budite strpljivi malo.

ALMA OMEROVIĆ - predsjedavajuća

Strpljiva sam, samo morate i Vi cijeniti vrijeme kolga koji sjede ovdje

ADNAN ABADŽIJA - vijećnik NIP-a

Nemojte me sada prekidati. Moram odahnuti, pa onda progovoriti. Predsjedavajuća, jako ste neljubazni, nekorektni i molim Vas da budete malo ljubazniji, inače će se to prenijeti na nas prema Vama.

Tražim pauzu za ručak.

ALMA OMEROVIĆ - predsjedavajuća

Imate još pet minuta da iskoristite pauzu kao šef kluba. Kolega nemojte dobacivati, molim vas. Ne možete vi tražiti pauzu za ručak. Kolega imate još pet minuta da iskoristite pauzu

Pauza pet minuta i nakon toga nastavljamo sa radom.

ADNAN ABADŽIJA - vijećnik NIP-a

Nećemo pauzu od pet minuta. Tražio sam pauzu za ručak, a ne pauzu od pet minuta.

ALMA OMEROVIĆ - predsjedavajuća

Pet minuta pauza. Ne možete se tako predomišljati i ponašati.

ADNAN ABADŽIJA - vijećnik NIP-a

Nisam tražio pet minuta, tražio sam pauzu sat vremena. Predsjedavajuća neću pauzu od pet minuta, narušavaš moje zdravlje s ovim što mi ne dozovljavaš pauzu za ručak.

Uslijedila je pauza.

ALMA OMEROVIĆ - predsjedavajuća

Obzirom da se prije pauze niko nije javio za diskusiju, iscrpili smo diskusiju po pitanju ove tačke dnevnog reda, te istu dajem na glasanje.

ALMIR ŠPIODIĆ - vijećnik NIP-a (poslovnička intervencija)

Predsjedavajuća, vodite sjednicu kako treba, čovjek se javio za diskusiju.

ALMA OMEROVIĆ - predsjedavajuća

Zamoliti ću Vas kolega da ne dobacujete.

ALMIR ŠPIODIĆ - vijećnik NIP-a (poslovnička intervencija)

Javio se čovjek za diskusiju.

ALMA OMEROVIĆ - predsjedavajuća

Ne niste se javili, ja sam pitala prije ima li neko za diskusiju, pa sam dala pauzu nakon što se niko nije javio za diskusiju.

ALMIR ŠPIODIĆ - vijećnik NIP-a (poslovnička intervencija)

Zamoliti ću Vas da ovo Vijeće vodite kako treba.

ALMA OMEROVIĆ - predsjedavajuća

Zamoliti ću Vas da ne dobacujete dok ja govorim.

ALMIR ŠPIODIĆ - vijećnik NIP-a (poslovnička intervencija)

Ne dobacujem, poslovnička intervencija, nije završena diskusija.

ALMA OMEROVIĆ - predsjedavajuća

Oduzimam Vam riječ i dajem na glasanje tačku 2.a) Prijedlog Odluke o obrazovanju Komisije za administrativne poslove, budžet, privredu, finansije i ekonomska pitanja.

Kolega Špiodiću ne dobacujte, opomenut ću Vas, već drugi put Vas opominjem.

Dakle, glasamo za tačku 2.a) Prijedlog Odluke o obrazovanju Komisije za administrativne poslove, budžet, privredu, finansije i ekonomska pitanja.

Općinsko vijeće je većinom glasova donijelo

Odluku o obrazovanju Komisije za administrativne poslove, budžet, privredu, finansije i ekonomska pitanja

b) Prijedlog Rješenja o izboru članova Komisije za administrativne poslove, budžet, privredu, finansije i ekonomska pitanja

Općinsko vijeće je većinom glasova usvojilo

Rješenje o izboru članova Komisije za administrativne poslove, budžet, privredu, finansije i ekonomska pitanja

SELMA BARIĆ - vijećnica SDP-a

Tražim pauzu za ručak. Ukoliko trebam pismeno ili usmeno obrazložiti

ALMA OMEROVIĆ - predsjedavajuća

Kolegice, ja odlučujem o pauzi za ručak. U ovom momentu Vam nisu prisutni ni kolege da bi u ime KV tražili pauzu za ručak.

ALMIR ŠPIODIĆ - vijećnik NIP-a (poslovnička intervencija)

S kojim pravom, nađite mi član Statuta Općine Ilijaš, Poslovnika o radu OV-a gdje to piše, da Vi odlučujete o pauzi. Ne znam šta Vi sebi uzimate za pravo gospođice predsjedavajuća. Molim Vas, tražimo pauzu za ručak, 13:00h je. Ovdje smo od 10:00h i vrijeme je za ručak. Odakle Vam pravo da nas maltretirate. Vi nas ovdje izgladnjujete

ALMA OMEROVIĆ - predsjedavajuća

Replicirati se ne može. Nismo na tački dnevnog reda da bi ste replicirali i pričali o nečemu što se ne tiče dnevnog reda.

ADNAN ABADŽIJA - vijećnik NIP-a

Zamoliti ću Vas za riječ predsjedavajuća.

ALMA OMEROVIĆ - predsjedavajuća

Kolega, zamolit ću Vas. Pazite, nemojte me stvarno ljutiti. Dobit će te opomene. Nemojte mi upadati u riječ kolega, biću primorana da pozovem ljude koji će vas odstraniti sa sjednice. Nisam prešla na sljedeću tačku dnevnog reda.

ADNAN ABADŽIJA - vijećnik NIP-a (poslovnička intervencija)

ALMA OMEROVIĆ - predsjedavajuća

Prelazimo na tačku 3.

AD-3

- a) Prijedlog Odluke o obrazovanju Komisije za kulturu i sport
- b) Prijedlog Rješenja o izboru članova Komisije za kulturu i sport

Otvaram raspravu po pitanju ove tačke dnevnog reda.

VERNESA BEŠLIJA - vijećnica NIP-a

U prethodnoj diskusiji ja sam rekla da mi povlačimo svoje prijedloge članova za Komisije, jer niste ispoštovali 22 člana. Naime, po dopisu koji smo juče dobili, poslali ste nam Komisije u kojima imaju slobodni članovi i 22 su: Misleći da poštujete dogovor od 13. januara, tako smo i popunili, a sada vidimo da nekih naših članova nema. U vezi s tim, predsjedavajuća, kao što sam i maloprije rekla, mi povlačimo svoje prijedlog iz sve i jedne Komisije. Konkretno, evo konkretno iz Komisije za kulturu i sport povlačimo svog člana Alden Mehmeti. Stavite svog člana ili člana SBB-a i tako i za ostale Komisije. Trebali po svakoj tački posebno da se izjasnimo i kažemo da povlačimo navedeni prijedlog?

ALMA OMEROVIĆ - predsjedavajuća

Nema potrebe kolegice, a i možete, jer je to Vaša poslovnička mogućnost. Ovo su dostavljeni prijedlozi, a Komisija za izbor i imenovanja će naravno zasjedati, ukoliko vi naknadno dostavite dopis da se Vaš član povlači, također imate i tu mogućnost nakon ove sjednice, ovo je samo akt o kojem mi raspravljamo na osnovu mišljenja Komisije, odnosno posla koji je uradila Komisija za izbor i imenovanja.

ALMIR ŠPIODIĆ - vijećnik NIP-a

Diskustija na Vašu drskost. Na ovoj tački dnevnog reda ste rekli "ukoliko nastavimo mi da Vam insistiramo, da Vas kao prekidamo", a mi Vam ukazujemo na poslovničku intervenciju, da će te pozvati neke ljude da nas odstrane sa sjednice. Molim Vas, pozovite te ljude da nas odstrane sa sjednice Vijeća, pokušajte demonstrirati tu silu, to sve što pokušavate da koristite ove čestite ljude sa moje lijeve strane kao voštane figure da podržavaju svu ovu Vašu drskost, a na ovoj tački dnevnog reda, kolegica je rekla, mi povlačimo naše

prijedloge zato što niste ispoštovali prethodni međustranački dogovor. Evo, ne znam šta treba da uradim da pozoveš, rekla si da ćeš pozvati ljude da nas odstrane sa sjednice. Je li to vi nama prijetite da mi ne smijemo iznijeti svoje mišljenje. Šta ste Vi umislili da ste danas ovdje? Ne znam zašto šute sve ove kolege kada ste rekli da bi odstranili mene zato što se suprotstavljam Vama, suprotstavljam svoje mišljenje, a Vi bi vjerovatno odstranili i druge kada bi Vam se suprotstavili. S kojim pravom mi prijetite da će te me odstraniti, da će te me fizički odstraniti, jer ste rekli da će te pozvati ljude da nas odstrane sa sjednice.

ALMA OMEROVIĆ - predsjedavajuća

Kolega, zamolit ću Vas da raspravljate o tački dnevnog reda na kojoj se nalazimo, a ja šta ću uraditi, to je moja odluka. Nastavite.

ADNAN ABADŽIJA - vijećnik NIP-a (poslovnička intervencija)

Zamolio bih Vas da nakon ove tačke dnevnog reda, ako nećete odmah, obzirom da moram popiti lijekove, napravite pauzu za ručak da se iskoristi moje ljudsko pravo.

ALMA OMEROVIĆ - predsjedavajuća

Slažem se kolega. Omogućit ću Vam to pravo samo dok kolega Halid Dizarević završi sa diskusijom. Znači, pauza pola sata za ruča, ali prije nego što dam pauzu, završit ćemo sa ovom tačkom dnevnog reda. Vidim da se niko nije javio za diskusiju prije poslovničke intervencije.

Nakon diskusija i glasanja pravimo pauzu za ručak, a nakon pauze prelazimo na tačku 4.

MEHO HIDO - vijećnik NIP-a

Javljao sam se za diskusiju poslije kolegice Vernese

ALMA OMEROVIĆ - predsjedavajuća

Kolega, morate se na vrijeme javiti.

MEHO HIDO - vijećnik NIP-a

Javljao sam se, digao ruku, vidio je kolega Bešlija. Iz izlaganja kolegice Bešlija, dogovora koji je bio i kolege Sinanovića, očito se vidi kontradiktornost. Znači, doveli ste nas vijećnike u sumnju i zbog toga predlažem da, dok je ova pauza, sekretar Vijeća pripremi Zapisnik sa tog sastanka i da vidimo tačno i da naši građani znaju koji je bio dogovor i da ovdje znamo ko je odstupio od tog dogovora.

ALEMA DŽAFO - vijećnica NIP-a

Rekli samo da je ovo hitna sjednica i da je ovo hitna tačka dnevnog reda, Izbor stalnih radnih tijela Općinskog vijeća - Odluka o obrazovanju Komisije za kulturu i sport i Rješenje o izboru članova Komisije za kulturu i sport. Ovdje, sve što nam je dato jeste ime, prezime, pozicija i politički subjekt. Sad smo rekli da je hitno formiranje radnih tijela i da su ona toliko bitna. Smatram da bi trebalo navesti stručne spreme svih predloženih članova, da se upoznamo s njima i da bi mogli glasati.

ADNAN ABADŽIJA - vijećnik NIP-a

U ovoj Komisiji za kulturu i sport vidim samo imena, kao što reče kolegica Alema, i vidim da je naš član koji je bio predložen, Namir Solak koji je proveo cijeli život na terenu, izbačen iz rada ove komisije.

ALMA OMEROVIĆ - predsjedavajuća (krivi navod)

Kolega, krivi navod, ako ja dobro vidim.

ADNAN ABADŽIJA - vijećnik NIP-a

Ja sam u našem prijedlogu vidio da su predloženi Alden Mehmeti i Namir Solak.

ALMA OMEROVIĆ - predsjedavajuća

Pričate o dodatnim prijedlozima.

ADNAN ABADŽIJA – vijećnik NIP-a

Ne, ne, o dodatnim prijedlozima, bio je to naš prijedlog. Međutim, zamijenjen je na Komisiji, pa bih volio čuti zbog čega je Komisija za izbor i imenovanja skinula čovjeka koji je čitav svoj život ostavio na terenu, bio u sportu, i dan danas je bio tu, a možda su tu neki članovi koji ne bi trebali biti u ovoj Komisiji. Poznavanje rada ove Komisije, čovjek je bio, čini mi se, u prošlom mandatu u ovoj Komisiji, pa ne znam zašto ste ga zamijenili i skoro u svakoj Komisiji imamo predstavnike SBB-a. Dalje, vidim da ste u svakoj Komisiji stavili po tri člana SDA, što znači da Komisija donosi odluke glasanjem 3:2, ali mislim da bi trebali malo imati poštovanja prema ljudima koji su dugo bili u sportu, radili dugo godina i zaslužili su da budu tu. Vidjet ćemo i za ostale Komisije koje su na dnevnom redu. Ne bih želio nikoga da degradira što se tiče ovih članova Komisije za kulturu i sport, ona se sastane jedanput-dva puta. Međutim, volio bih samo da znam šta su po zvanju ovi članovi koji su predloženi u ovu Komisiju. Znači, ako neko ima podatke da nam ukratko prezentuje, da li su oni podobni momci koji tu treba da budu i jesu li stručni da rade u Komisiji za kulturu i sport koja je u našem Ilijašu stvarno "srozana", i sport i kultura. Mislim da je sport spao na jako, jako niske grane, od fudbala, pa do svih ekipnih sportova i ova Komisija bi trebala dobrog posla da odradi da se sport digne malo na nivo, a posebno kultura, kultura ovih što su završili škole, fakultete itd. itd., a izlažu se na javnu scenu, nastupaju itd. Želio bih, i Vama bih predložio, Komisija je odradila svoj posao, trebali ste zaista gledati da u tim Komisijama budu stručni ljudi za taj segment koji će biti. Na kraju krajeva, ova Komisija, jel de neće se ona ništa ni pitati toliko, ili bilo koja. Neka će se malo pitati, ali nekada treba da se pogleda, čini mi se, mišljenje i Komisije da bi se nama predočilo ovdje. Znači, kada ja ne znam neki segmen što se tiče prava ili nečeg drugog, onda nadležna Komisija nama pojasni te detalje, bez obzira da li to bilo po Zakonu ili ne, izgleda da će biti samo onako, da se malo ljudi nekako "ubace" u neku Komisiju i da misle da su oni u nekoj Komisiji nešto. Ne bih želio nikoga da omalovažavam, ali ovdje vidim jednog lika koji stvarno mora početi sam sa sobom razgovarati.

ALMA OMEROVIĆ – predsjedavajuća

Kolega, zamolit ću Vas samo da dostojanstveno diskutujemo.

ADNAN ABADŽIJA – vijećnik NIP-a

Držim se teme. Ako sam bio nekorektan, onda me prekinite. Nemojte me prekidati.

ALMA OMEROVIĆ – predsjedavajuća

Imam pravo da Vas prekinem kada pričate lično o osobama. Oni su prijedlozi Komisije za izbor i imenovanja i ne možete se tako izjašnjavati ovdje.

ADNAN ABADŽIJA – vijećnik NIP-a

Nikoga nisam imenom i prezimenom spomenuo. Pomenuo sam da bih volio da čujem reference predloženih članova ove Komisije. Ako nemate reference ili da kažete taj i taj je stolar, taj i taj je profesor, da je to i to i ja mislim da mi u Ilijašu imamo mnogo momaka koji su završili DIF da mogu da budu u ovoj Komisiji i da oni odlučuju i donesu neke preporuke nama, pa da mi taj sport dignemo na veći nivo.

ALMIR ŠPIODIĆ – vijećnik NIP-a (replika)

Lijepo je kad se poštujemo i saslušamo jedni druge, kao što smo Adnana Abadžiju. Replika se odnosi na to kolega Abadžiju, oni sa ovim prijedlozima Komisija i ovim cijelim ignorisanjem ne žele da naprave funkcionalan sistem, pa čak ni funkcionalne Komisije koje bi bile od koristi i organu uprave, a i nama vijećnicima. Ove Komisije isključivo služe za plaćanje političkih dugova kroz izborni proces ili izbornu kampanju. Isto tako, služe za, mada to kod nije toliko izraženo, kupovinu ili pridobijanje drugih vijećnika gdje im kroz Komisije vraćaju dugove zato što podržavaju neke odluke. Znači, Komisije služe za političko manipulisanje.

ALMA OMEROVIĆ – predsjedavajuća

Kolega moram Vas prekinuti. Izvinite stvarno, i ja sam za da se poštujemo, ali pričate o nečemu što nije sastavni dio ovog Rješenja ni prijedloga Odluke. Zamolit ću Vas da govorite isključivo o ovome, a ne o nekim temama koje nemaju zaista veze s ovim.

ALMIR ŠPIODIĆ – vijećnik NIP-a (replika)

Upravo ovo što govorim o Komisijama i ko ih predlaže, kako ih predlaže, itekako ima veze sa izborom članova ovih Komisija. To se možda vama ne sviđa što ja kažem, ali ovo što govorim, itekako ima veze i vi to znate da je tako. Stavljate tamo u Komisije gdje vam je ko bio u kampanji ili negdje pomogao, pa kupujete na taj način ljude. Znači, nije poenta kolega Abadžija da oni ovdje stave stručne ljude koji bi nam unaprijedili, dali jedan konstruktivan prijedlog kroz Komisiju, napravili sastanak, uvidjeli neki problem itd. Poenta je da se zadovolje politički podobni.

ALMA OMEROVIĆ – predsjedavajuća

Kolega, još jednom Vas opominjem. Pričate o nekim stvarima koje se ne tiču prijedloga Odluke i prijedlog Rješenja.

ALMIR ŠPIODIĆ – vijećnik NIP-a (replika)

To je surova istina i brutalnost koju doživljamo ovdje. Znači, ovo što sam govorio je itekako važno da imamo Komisije koje nam sa stručne strane mogu pomoći sutra kada mi budemo donosili neke Odluke, a vezane su za tu Komisiju ili djelatnost, a isto tako pomažu organu uprave. Iz tog razloga potpuno se slažem sa diskusijom kolege Abadžija da tu trebaju biti iole stručni i kompetentni ljudi, pa makar jedna ili dva od tih ljudi, da ne budu samo politički podobni ljudi koji se predlažu u Komisije.

MUHAMED HANDŽIĆ – vijećnik SBB-a (replika)

Replika je kolegi Adnanu. Ove replike ne bi bilo, da nije pomenut politički subjekt iz kojeg ja dolazim. Dakle, pitao se odakle SBB u svakoj od Komisija. Evo sad ću Vam ja odgovoriti. Sve ovo što mi radimo ovdje je politika i Vi ste ušli u proces politike i svi mi ovdje. Mi smo jedan od političkih faktora koji participira u ovom Općinskom vijeću i mi tražimo da budemo zastupljeni u svakom od ovih radnih tijela koje egzistiraju u OV-u. Dakle, vi ne možete reći neko ima pravo na ovoliko Komisija proporcionalno broju vijećnika. To nigdje ne piše, ni u Zakonu, ni u Statutu, ni u Poslovniku. Tamo lijepo piše da se dogovaraju politički subjekti ili njihovi predstavnici. Imali su vremena za to. U daljoj Vašoj diskusiji kažete da je sport i kultura na jako niskim granama u proteklom periodu. Slažem se, ali ste isto tako rekli da je ovaj vaš kandidat kojeg ste vi predložili bio i u prošloj Komisiji za kulturu i sport. Dakle, šta je sad pitanje? Ja ne znam o kome se radi od tih vaših kandidata.

ADNAN ABADŽIJA – vijećnik NIP-a (krivi navod)

Nije ovaj, koji je trenutno.

HALID DIZDAREVIĆ – vijećnik SDA (poslovnička intervencija)

Ne možete dati odmah riječ gospodinu Abadžiji, jer kolega Handžić nije završio svoju diskusiju. Nakon što završi diskusiju, ispravka krivog navoda onda ide.

ALMA OMEROVIĆ – predsjedavajuća

Kolega Handžić je završio rečenicu, pa se kolega Abadžija javio za riječ.

ADNAN ABADŽIJA – vijećnik NIP-a (krivi navod)

Neka kolega završi, pa ću ja onda.

MUHAMED HANDŽIĆ – vijećnik SBB-a (replika)

Hvala kolegi Abadžiji, ja znam da on mene uvažava kao starijeg i ja njega naravno kao kolegu. Međutim, ovo su politički dogovori za koje smo ostavili dovoljno prostora. Ja danas vas slušam ovdje da se svi ljutite što je to hitna sjednica, što je ovako, što je onako. Ali, kada je u pitanju da se dostave prijedlozi, onda svi kasnimo, nemamo nekih adresa, svi smo se pogubili. Dajte ljudi da radimo u skladu sa ovim propisima, u skladu sa Statutom, Poslovnikom i da ga svi poštujemo, a ne da ga poštujemo samo u onom dijelu gdje nama odgovara. Otišao sam malo od teme, izvinjavam se, ali hoću da kažem kolegi

Abadžiji da kad se SBB-a tiče mi smo mogli tražiti još mjesta u ovim Komisijama da ste nam vi to dozvolili. Dakle, nije bio problem. Kada je u pitanju stručna sprema, svaki politički subject dobije od svog kandidata CV ili kako se već zove biografija. Dakle, znamo mi s čime raspolažemo i predlažemo najstručnije ljude. Da li je on politički podoban ili nije, ja to ne znam. Znam samo u svojoj partiji, one koje smo predložili vjerovatno imamo povjerenje u njih, znamo zbog čega smo ih predložili na tu neku poziciju u ovoj od Komisija. Ne bih ja ovdje da se bavim pojedinostima, ni pojedinačnim slučajevima, niti pojedinačnim prijedlozima, da ljude sada blatimo ili da ih dižemo. Ako su oni već predloženi u ovu Komisiju, cijenim da su svi vrijedni i što se mene tiče mi smo ih tako ovdje i prihvatili. Ne možemo prihvatiti dva, evo ja sada govorim u ime zamjenika predsjednika Komisije za izbor i imenovanje, ne možemo mi prihvatiti dva člana, ako ima mjesta za jednog. Prihvatili smo prvog kojeg ste vi predložili. Vi imate prostora za neku od narednih sjednica, ako vam se ne dopada taj prvi, podnesete zahtjev za zamjenu člana, Almir zna kako to ide, i da se predloži neki drugi član. Naravno da ćemo mi, kao vaše kolege, pristati na to i da ćemo vas podržati u tome.

ADNAN ABADŽIJA – vijećnik NIP-a (krivi navod)

Ispravka krivog navoda u dva slučaja. Do kraja sam saslušao. Naš prvi predloženi kandidat je bio Solak Namir, a stavljen je kao drugi na spisak, a i Solak Namir je bio u Komisiji za kulturu i sport, a nije bio ovaj koji je sada predložen. Tako da nije ovaj koji je trenutno na listi ovdje, nego ovaj prethodni, kojeg sada uopšte nema na spisku.

SELMA BARIĆ – vijećnica SDP-a (replika)

Vezano za ono što je pričao kolega Handžić. Poštujemo mi kolega Handžiću da vi budete zastupljeni u Komisijama, to da, ali na sastanku 13. januara je bio jednoglasan dogovor o broju članova Komisija. Nije mi jasno zbog čega se nije Komisija pridržavala onoga što je jednoglasno između Stranaka bilo dogovoreno? Dalje, kolegica Vernesa je ranije navela zbog čega imena nisu dostavljena i navela je razlog zbog čega nisu. Ne samo da nisu dostavljena. Navela je konkretno razlog zbog čega imena nisu dostavljena. Ali isto tako, nigdje u predmetu koji je dostavljen općinskim organizacijama nije naglašeno da će se promijeniti dogovor ukoliko se ne dostave imena. Znači, crno na bijelo ima dogovor 13.01. i 14.01.2021. isto tako. Pročitajte ako ste dobili predmet, a evo mogu vam i ja pročitati.

ALMA OMEROVIĆ – predsjedavajuća

Kolegice zamolit ću Vas da diskutujete, ne o međustranačkim dogovorima, jer mogu Vam uputiti ispravku krivog navoda, nego da diskutujete o tačci dnevnog reda na kojoj se nalazimo.

SELMA BARIĆ – vijećnica SDP-a (replika)

Međustranački dogovor je povezan sa ovom tačkom dnevnog reda tako da kolega Handžić ima pravo kad kaže da oni žele da budu zastupljeni u Komisijama i to ste mogli dogovoriti na međustranačkim dogovorima, ali dogovoreno je jednoglasno kako treba da se vrši raspodjela članova Komisija.

“Obzirom da nije postignut dogovor o naprijed navedenom prijedlogu istaknula sam da će svim političkim partijama koje su zastupljene u Općinskom vijeću Ilijaš u mandatnom

period 2020.-2024. godina biti upućen dopis u kojem će biti utvrđen rok od pet dana da dostave imena”.

Da ne čitam dalje. Znači, nigdje ne piše crno na bijelo da će se dogovor promijeniti ili da će se poništiti.

VERNESA BEŠLIJA – vijećnica NIP-a (replika)

Kolega Handžić je rekao da smo u startu kasnili sa dostavljanjem prijedloga. Znači, mi nismo kasnili sa dostavljanjem prijedloga, mi nismo htjeli dostaviti i ne bi ni jutros dobili vi prijedloge od nas da nam juče niste poslali Komisije tj. 22 člana. Misleći da će biti ispoštovan dogovor, zato smo poslali prijedloge. Predsjedavajuća sada kaže da nešto treba poslati napismeno, pa ćete vi izmijeniti članove Komisije. Ako je tako, uredu. Kolege koje su prije bili u Vijeću vjerovatno znaju. Samo mi odgovorite kako je prijedlog Adnana Abadžije u Komisiju za izbor i imenovanje, koji je bio vaš prijedlog, prošlu sjednicu odmah povučen kad smo mi rekli da Adnan Abadžija ne želi da bude član te Komisije.

ALMA OMEROVIĆ – predsjedavajuća

Kolegice to nije na dnevnom redu. Zamolit ću Vas, vi ste usvojili ovaj dnevni red i diskutujemo o dnevnom redu. Znači, tačka 3. je Prijedlog Odluke o obrazovanju Komisije za kulturu i sport i Prijedlog Rješenja o izboru članova Komisije za kulturu i sport. Molim Vas, brkate neke stvari.

VERNESA BEŠLIJA – vijećnica NIP-a (replika)

Ne brkamo stvari, brkate Vi predsjedavajuća. Mogli bi ste nam malo pojasniti ako Vi dobro znate kako nisu uvijek iste procedure.

ALMA OMEROVIĆ – predsjedavajuća

Ja sam Vama sve pojasnila.

ALEMA DŽAFO – vijećnica NIP-a (replika)

Moja replika je bila kolegi Abadžiji, ali već sam zaboravila šta sam željela replicirati, ali nema veze. Ono što je kolega Abadžija rekao, ja sam htjela reći da je upravo to što sam ja htjela reći da se navede stručna prema predloženih članova. Čula sam komešanje kolega iza, kao svaka Stranka delegira imena. Ja ove ljude ne poznajem. Igrom slučaja poznajem samo jednu osobu sa ove liste i bilo bi fer i red da ih i mi upoznamo. To što ih poznaje Stranka i ljudi bliski njoj, meni uopće nije bitno, jer ja o ovome glasam.

KENAN BUZA – vijećnik NIP-a

Ja ću se nadovezati na diskusije, replike, kolegice Selme i kolegice Vernese i slažem se sa kolegom Handžićem. I mi svi želimo da smo zastupljeni u svim Komisijama i mislim da je to nemoguće za ispoštovati, jer Statut Općine propisuje koliko Komisija ima i propisuje da će na međustranačkom dogovoru ili sastanku biti definisan raspored u samim Komisijama. Na prvom sastanku održanom 13.01. na aktu koji ste dostavili našoj predsjednici povjereništva i svim općinskim odborima stoji da je jednoglasno dogovorena kvota 2,8 po vijećniku za zastupljenost u Komisijama OV-a. Takođe na sastanku održanom

14.01., takođe stoji u aktu koji je poslan, piše da općinske organizacije predlažu raspored, odnosno učešće kandidata ispred svojih političkih partija u radnim tijelima. Cijenim da to nije istinit navod. Na osnovu toga tražim da nam sekretarica OV-a dostavi Zapisnike sa ta dva sastanka da bi otklonili ove sumnje. Sve ove replike i sva ova neslaganja po pitanju Komisija su proizvod sumnji u sam Zapisnik sa tih navedenih sastanaka.

ALMIR ŠPIODIĆ – vijećnik NIP-a (replika)

Moje kolege se ispričale i rekli su dosta stvari koje bih i ja rekao. Međutim, da se osvrnem na ovo. Ja opet kažem, Handžić je čovjek kojeg ja cijenim i kao kolegu, prijatelja i na sve načine. Čovjek nam je fino rekao politika, a mene predsjedavajuća maloprije prekida kada sam rekao da se politika miješa u izbor Komisija. Politika i političke stranke obrazuju Komisije. Svi bi mi željeli da imamo sve naše ljude tamo, da 70 mjesta popunim tamo, imam rođaka toliko, prijatelja, tetica, dajdžića itd. Svi bi mi to željeli. Međutim, to nije moguće. Ima nešto što se zove nepisano pravilo, a to je i Statutom prepoznato, i u Zakonu. Ljudi skontali nekada davno kada su pravili Ustav i Statut da se mi nećemo moći ovako dogovoriti, da će biti nekih egoista koji žele da to samo oni nešto, a da ove ostale kao ignorišu, pa rekli evo imate pravo međustranački sastanak. Koliko se god mi voljeli ili ne voljeli, mimo ove sale, ovdje treba da sarađujemo, poštujemo jedni druge i uvažavamo. To je ono što ja danas nisam doživio od naše predsjedavajuće. Znači, imali ste sastanke, imali smo sve i sad dođete, mi vam dali imena, skinete i kažete sad nećemo ni jedno vaše ime. To su ljudi koje mi delegiramo, naša Stranka i vi kažete "e sad ne možete" i sad će te vi ponovo prosipati političku silu sa 13 ruku u OV-u. Vjerujte da na takav način, zaista mi se ne dolazi na sjednice OV-a. Zaista mi se ne učestvuje u radu OV-a kada vidim koliko ljudi ne učestvuje, a znam da ih se tiče, ne učestvuje ni u diskusijama, ne iznesu svoj stav i mišljenje i moraju slušati to mahanje prsta i kaže mi ćemo uraditi to, pa onda jedna velika većina uradi. Kolega Handžiću objasnio si nam proces političkog djelovanja. Svi bi mi to željeli. Nije problem, evo mi vam dajemo, niste ispoštovali 22 člana, mi vam dajemo i ovih 16. Stavite rođake, tetice, dajdžiće, amidžiće, iz komšiluka nekoga pozovite ko je dobro radio za izbore. Poredajte ih u Komisije, evo halal vam bilo od nas. Nagradite te ljude, pa će se možda oni i nama zahvaliti nekada.

KENAN BUZA – vijećnik NIP-a (replika)

Samo da definišemo stvari po pitanju ovoga.

ALMA OMEROVIĆ – predsjedavajuća

Kolega izvinite, jeste li već jednom replicirali kolegi.

KENAN BUZA – vijećnik NIP-a (replika)

Jednom.

ALMA OMEROVIĆ – predsjedavajuća

Nije se kolega poslije toga javljao, ne možete dobiti repliku. Iskoristili ste svoje vrijeme, oprostite.

ALLEN HASKOVIĆ – vijećnik SDA

Zaista, ukoliko se NIP izjasni upotpunosti da ne želi članove u Komisijama, ja predlažem da nakon tog njihovog izjašnjenja date nama priliku da u ime Kluba SDA zatražimo pauzu, pripremimo amandmane i popunimo te Komisije sa nekim drugim članovima. Ali, tražim da se ljudi izjasne žele li članove u Komisijama ili ne žele. Ukoliko ne žele, da pripremimo amandmane i popunimo ove Komisije sa nekim novim prijedlozima.

MEHO HIDO – vijećnik NIP-a (replika)

Kolega Haskoviću, drago mi je čuti to što ste rekli meni kao građaninu, a i ostalim građanima koje će ovo sutra slušati i neće biti isječeno i emitovano onako kako neko bi želio da čuje. Ovo nešto slično ste i na prošloj sjednici rekli i ovdje mi možemo poštovati epidemiološke mjere, ali ovdje su maske definitivno spale i kome nije do sada bilo jasno, znači građani Općine Ilijaš su svjesni politike koja se ovdje sprovodi. Ja bih bio presretan čovjek da sam vidio u ovom proteklom period ozbiljne promjene i ozbiljnu namjeru ovih političkih subjekata koje vi spominjete, koji su preuzeli odgovornost da vode ove procese. Međutim, iz ovoga svega, na ove dvije sjednice, ja to ne vidim i izražavam zabrinutost kao običan građanin na sva ova dešavanja.

SELMA BARIĆ – vijećnica SDP-a (replika)

Kolega Haskoviću, naravno da želimo naše članove u Komisijama, ali jedino po onom broju o kojem smo se i dogovorili, kako za SDP-e, tako i za sve ostale Stranke zastupljene u OV-u, u suprotnom ne želimo.

ALMIR ŠPIODIĆ – vijećnik NIP-a (replika)

Hvala kolega Haskoviću, čini mi se da ovi pripravnici u SDA što su došli su puno fleksibilniji. S vama bi se puno više moglo raditi, nego sa starim članovima i vijećnicima. Vi ste shvatili šta mi želimo. Ili dobijamo ono što smo tražili i dogovorili na međustranačkom sastanku, a ako to ne dobijamo, bujrum, kao što sam rekao, popišite rođake, familiju, prijatelje, važno je da su punoljetni, lobiste i stavite u te Komisije. Nagradite ih tim Rješenjem koje će imati četiri godine da su bili članovi tih Komisija, uvažite ih nečim. Samo da Vas ispravim. Vi ste rekli “ako NIP ne želi članove”. Mi želimo članove u Komisijama, ali želimo 22. Trebali ste reći na međustranačkom sastanku dobijate 16, mi to prihvatimo, može-ne može, doviđenja i prijatno. Nego vi, jednostavno nas uvučete u ovo sve i ne ispoštujete onaj prvi dogovor. Mi ne želimo da nam vi određujete koliko ćemo mi dobiti članova u Komisijama. Što ste nas jednostavno zvali na međustranački sastanak, mogli ste to jednostavno poslati i sastati se bez nas. I nemojte nas više na takve sastanke zvati, ako će te jedno pričati na sastanku, ne znam da li je gruba riječ, a kasnije “slagati” ovdje javno. Možda je to gruba riječ, izvinjavam se, evo “ne reći istinu”.

KENAN BUZA – vijećnik NIP-a (replika)

Već pola sata diskutujemo i repliciramo jedni drugima na bazi održanih međustranačkih sastanaka broj jedan i dva, od 13. i 14. januara. Ja bih zamolio, ukoliko je moguće, da nam sekretarica OV-a dostavi Zapisnike sa sastanaka 13. i 14. Januara, te na osnovu kojih ćemo mi odlučiti da li ćemo povući svoje članove ili ćemo učestvovati u Komisijama.

ALMA OMEROVIĆ – predsjedavajuća

Iscrpili smo diskusije po pitanju ove tačke dnevnog reda, te istu dajem na glasanje. Poslije glasanja idemo na pauzu od pola sata.

Općinsko vijeće je većinom glasova donijelo

Odluku o obrazovanju Komisije za kulturu i sport

b) Prijedlog Rješenja o izboru članova Komisije za kulturu i sport

Općinsko vijeće je većinom glasova donijelo

Rješenje o izboru članova Komisije za kulturu i sport

Nastavljamo sa tačkom 4. nakon pauze od pola sata.

Pauza od 13:45-14:15h

AD-4

a) Prijedlog Odluke o obrazovanju Komisije za boračka pitanja

b) Prijedlog Rješenja o izboru članova Komisije za boračka pitanja

ALMA OMEROVIĆ – predsjedavajuća

Da se ponovo ne ponavljam s obzirom na uvodna izlaganja koja sam rekla na drugoj tački dnevnog reda da je promijenjen naziv Komisije, ostalo je sve isto, osim što u Rješenju izbora predsjednika, zamjenika predsjednika Komisije za boračka pitanja su predloženi sljedeći članovi:

RB.	IME I PREZIME	POZICIJA	POLITIČKI SUBJEKT
1	FAHIR HASANOVIĆ	Predsjednik	SDA
2	RUSMIR ALIKADIĆ	Zamjenik predsjednika	SDA
3	ASIM ŠEHIĆ	Član	SBB
4	MIRZAD MEDIĆ	Član	NIP
5	NERMIN HERIĆ	Član	NIP

VERNESA BEŠLIJA – vijećnica NIP-a

Kao što smo i rekli, iz ove Komisije povlačimo prijedloge članova ispred NIP-a, a to su Mirzad Medić i Nermin Herić, a uskoro će te dobiti i pismenim putem, a ujedno zahvaljujemo sekretaru OV-a što nam je dostavila Zapisnike sa sastanaka održanih 13. i 14. januara. Zapisnik je veoma štur i zaista nije navedeno što smo se mi dogovorili da ćemo se sastati 14. januara, šta je dogovoreno, zbog čega da se mi okupimo 14. Januara u 15:00 h. Mislim da je jako bitna stvar izostavljena, a to je da će te vi donijeti Komisije po članovima kome šta pripada. Takođe, u Zapisniku od 14. januara nije navedeno da je predsjedavajuća obavijestila da SDA nije uspjela da održi taj sastanak tako da će ići po

njihovom prvom prijedlogu, da mi samo dostavimo imena, a da će te vi dalje raditi. Tako da mislim da Zapisnici treba da budu malo konkretniji, jer iz ovoga ne vidimo pravo stanje.

HALID DIZDAREVIĆ – vijećnik SDA

Nalazimo se na tački dnevnog reda Prijedlog Odluke o obrazovanju Komisije za boračka pitanja i Prijedlog Rješenja o izboru članova Komisije za boračka pitanja. Koliko sam dobro shvatio, kolegica Vernesa je rekla da povlači članove iz ove Komisije, gospodina Mirzada Medića i gospodina Nermina Herića. Da li sam dobro shvatio?

Tražim pauzu od pet minuta radi konsultacija Kluba SDA.

ALMA OMEROVIĆ – predsjedavajuća

Kolega dat ćemo pauzu, samo da vidimo da li se neko javlja za diskusiju, pa da onda napravimo pauzu.

ALMIR ŠPIODIĆ – vijećnik NIP-a

Uzet ću učešće u ovoj tački dnevnog reda. Hvala predsjedavajuća. Samo da ne bude nejasnoća. Mi izuzimo naše članove, ovo što je naša predsjednica povjereništva rekla gospođa Vernesa iz razloga što nije ispoštovan taj dogovor. Da ne ispadne sada da je otišlo u Zapisnik da mi ne želimo da stavimo naše članove u Komisiju. Ne želimo zato što nije ispoštovano 22 člana Komisija. Iz tog razloga povlačimo i ova dva.

HALID DIZDAREVIĆ – vijećnik SDA (replika)

Zaista, o razlozima povlačenja svojih članova iz Komisija, naravno mi ne možemo znati koji su to razlozi. Mi smo ovdje organ OV-a koji donosi Odluku, a Odluka je od strane Komisije za izbor i imenovanja došla na ovaj sto ovdje. Dakle, nama treba pet minuta konsultacija, da čisto pravne mogućnosti iscrpimo da ne bi narušili Poslovnik, Statut i sve ostalo što je u skladu sa Zakonom.

ALMIR ŠPIODIĆ – vijećnik NIP-a (replika)

Drago mi je čuti od predsjednika Kluba SDA da će oni uzeti pauzu od pet minuta da iscrpe Poslovnik kako reče, da ne bi napravili neku neustavnu Odluku. Zaista, pozdravljam taj potez Halide, čestitam.

ADNAN ABADŽIJA – vijećnik NIP-a

Teška srca ću reći da člana, šehidsko dijete i Zlatnog ljiljana povlačimo iz ove Komisije. Teška srca smo ovo uradili. Ako smo dogovorili da ćemo sve povući zbog tih brojki koje niste udovoljili ljudima koji bi možda trebali da budu tu i zaslužuju to. I ovaj Zlatni ljiljan – Nermin Herić zaslužuje da bude u ovoj Komisiji. Maloprije sam komentarisao i rekao da čovjek koji zaslužuje neku Komisiju, treba da bude tu, a ne da tražimo neke podobne koji će tu imati neku dnevnicu. Ako je dnevnicu u pitanju našem Zlatnom ljiljanu Nerminu Heriću, ne treba ta dnevnicu od 50,00 KM, a želim da ti ljudi budu u kontaktu sa mnogobrojnim borcima koji su branili ovu državu da bi danas neko rekao “daj ti meni sve, a vama ne treba ništa”. E ne treba nam ništa ako će biti nakaradno. Znači, ono što je narod izglasao i odlučio da kažemo proporcionalno, daj nek se uradi onako kako treba i

mislim da bi trebali raditi onako kako to i moral i etika prema ovim ljudima, nalaže nama. Svaka sljedeća Komisija u kojoj je predložen naš član, biće isključen, odnosno mi povlačimo, dok vi ne razumijete da to tako treba.

MUHAMED HANDŽIĆ – vijećnik SBB-a

Ja zaista imam potrebu da kažem kao zamjenik predsjednika ove Komisije, dakle, mi nismo cirkus Komisija i nećemo od sebe da pravimo lakrdiju. Ovo što smo mi danas predložili na Vijeću ići će na glasanje. Ljudi će povući svoje članove Komisija iz određenih razloga, to će dostaviti nama pismeno, mi ćemo zasjedati, zamijenit ćemo članove, dok vi ne napravite, ako budete pravili međustranačke sastanke još jednom ili ne znam već kad. Dakle, ovo što je danas doneseno, ovo se sigurno neće ništa danas mijenjati, a promijenit će se onda kada ljudi podnesu zahtjev za izmjenom. Ako mislite za ovo tražiti pauzu, ne morate je slobodno tražiti za ovo pet minuta, mi, kao Komisija, ne dozvoljavamo da se izmjeni ni jedno od ovih Odluka.

ALMIR ŠPIODIĆ – vijećnik NIP-a (replika)

Kolega Handžiću, na osnovu čega ste vi poredali ova imena? Šta su bili indikatori da postavite članove ovako kako ste postavili u Komisiji?

MUHAMED HANDŽIĆ – vijećnik SBB-a (replika)

Mi smo, kao Komisija, zasjedali dva-tri puta po ovom pitanju. U jednom momentu dobili smo samo dva prijedloga, od SDA i od SBB-a. Čekali smo i dat je rok od strane našeg predsjednika, odnosno dva roka smo dali da i druge dvije političke partije dostave svoje prijedloge. Oni su to uradili u 12:05h i mi smo i to uvažili, cijenili i napravili neku kalkulaciju sa onim čime smo raspolagali. Raspolagali smo sa ukupno 22 mjesta, koliko ja znam. Od tih 22 mjesta, koliko znam predsjedniče, 6 mjesta je raspoređeno SDP-u i 16 raspoređeo NIP-u. Je li to tako trebalo ili nije, ja u to neću da ulazim. To smo mi dobili i tu je sva priča završena.

ALMA OMEROVIĆ – predsjedavajuća (replika)

Nalazimo se na tački 4. Prijedlog Odluke o obrazovanju Komisije za boračka pitanja i Prijedlog Rješenja o izboru članova Komisije za boračka pitanja. I ja sam na fonu da diskutujemo o ovome što imamo trenutno u materijalima. Znači, ne mislim apsolutno da treba nešto mijenjati. Postoji i dan sutra, nismo napamet poredali članove, oni će ostati u ovim Komisijama danas, a ukoliko budu htjeli, i to je izbor i slobodna volja, neka odustanu, ne private Rješenje ili kako god.

ALMIR ŠPIODIĆ – vijećnik NIP-a (replika)

Predsjedavajuća, rekli ste napamet poredali članove Komisija. Naravno da jeste. Komisiju za statut i propise niste ispoštovali ono što smo mi predložili. Ime i prezime koje smo mi dali za člana Komisije za statut i propise, neko je to po svom nahođenju promijenio. Još par Komisija gdje smo dali svoje prijedloge, vi ste to zamijenili, stavljali druga imena ili odabirali nekom svojom slobodnom procjenom. S te strane, jeste to samoinicijativno uradili.

SELMA BARIĆ – vijećnica SDP-a (replika)

Slažem se kolega Handžiću. Međutim, opet ponavljam, član 52. Statuta Općine Ilijaš gdje kaže sastav stalnih radnih tijela predlaže Komisija za izbor i imenovanja. Znači, "predlaže", nakon prethodno obavljenih konsultacija sa političkim strankama i koalicijama zastupljenim u OV-u. Znači, prethodno je već postojao dogovor. Vi ste trebali dobiti predmet koji su dobile i općinske organizacije. Znači, predmet u kojem je jasno naznačeno tačan broj glasova, odnosno tačan broj članova za Komisije Vijeća, gdje je tačno navedeno da je jednoglasno dogovoreno, opet ponavljam jednoglasno dogovoreno, za isti taj procenat članova za Komisije.

MUHAMED HANDŽIĆ – vijećnik NIP-a (replika)

Mi, izvještaj sa međustranačkih konsultacija nismo dobili, niti smo trebali dobiti. Mi smo dobili prijedloge. Dobili smo od SDA prijedloge za sve Komisije da popunimo sa njihovim kandidatima i mogli smo to uraditi. Dobili smo od SBB-a isto da popunimo sve Komisije. Slušajte sada ovo. Ostalo je prostora 22 mjesta u vrijeme pred naš treći sastanak i onda smo uputili zahtjev da i vi dostavite i da ima toliko mjesta. Ja sam čuo da je kolegica rekla da je NIP dobio prostor za 22 člana, odnosno takav izvještaj, a takav izvještaj je dobio i SDP-e. Je li tako sekretarice? Znači, ostalo je 22 mjesta, osim onog što je popunjeno od strane SBB-a i SDA. Dajte nam obavijest, pokažite nam gdje piše da za vas ima samo, a ne i za SDP-e. Za vas da ima 22 mjesta. Pokažite nam to.

SELMA BARIĆ – vijećnica SDP-a (replika)

Interesuje me za šta nam služe međustranački dogovori? Ako može bilo ko da mi odgovori.

VERNESA BEŠLIJA – vijećnica NIP-a (replika)

Kazala sam 22 Komisije na NIP. Znači, pripala su 22 člana u Komisijama, a SDP-u je pripalo 8 članova i ima dopis koji je poslala predsjedavajuća OV-a u kojem traži da joj dostavimo imena, napisala je prijedlog je jednoglasno usvojen, SDA 34, NIP 22, SDP 8 i SBB 3. Ako želite pronaći ću Vam na e-mailu, a možda kolegija ima isprintano da vidite.

ALMA OMEROVIĆ – predsjedavajuća (replika)

Kolegice Selma, Vi ste ponovo pročitali taj član gdje se spominje međustranački sastanak i koalicije (Kolacija SDA-SBB), evo na 4. tački smo dnevnog reda, ponavljamo sve diskusije. Znači, mi smo mogli kao Koalicija da dogovorimo. Kolegica Vernesa je spomenula taj međustranački sastanak. Da, ja sam to rekla i produžavala rokove da se dostavi broj članova za Komisije, ali ne i u kojim će Komisijama biti, a vi ste to insistirali. To nije bio jednoglasni dogovor u te i te Komisije će te vi imati. Znači, toliki broj članova, pa vi niste, pa sam se zaista trudila da budem kolegijalna, produžavala rokove, pa sam usmen čula da je pošta kasnila, pa sam opet rok produžavala. To je vrlo lijepo što ste pročitali i to se odnosi da ne trebate komentarisati Kolaciju, zašto SBB toliko mjesta. Koalicija je to dogovorila uz mogućnost, naravno, drago mi je da postoje ti Zapisnici i morate detaljno isčitati. Razlikuje se to kad se kaže da se dostavi broj članova u Komisije i raspored, čija je isključiva nadležnost Komisije za izbor i imenovanja, a ne međustranački. Da smo čak i to dogovorili, to nije obavezujuće za Komisiju za izbor i imenovanja. Oni su mogli mimo našeg

međustranačkog sastanka. Žao mi je što kolege iz NIP-a nisu uzeli učešće u Komisiji za izbor i imenovanja, pa bi vjerovatno drugačije danas diskutovali. I tu ste mogućnost imali, ali niste iskoristili.

ALMIR ŠPIODIĆ – vijećnik NIP-a (poslovnička intervencija)

Kada predsjedavajuća uzme riječ u diskusiji, kada uzmete riječ u replikama, onda dopustite predsjedavanje zamjeniku predsjedavajućeg.

ALMA OMEROVIĆ – predsjedavajuća

Ja sam završila, replicirala i nisam htjela ništa više. Kolega zna kada treba preuzeti vođenje sjednice.

SELMA BARIĆ - vijećnica NIP-a (replika)

Ovako piše u predmetu koji je dostavljen "Dana 13.01. održali smo prvi sastanak vezan za prethodne konsultacije sa predstavnicima političkih stranaka zastupljenih u Općinskom vijeću Ilijaš. Prijedlozi kandidata za radna tijela za Općinsko vijeće Ilijaš, te se jednoglasno dogovorili kako bi trebao glasiti raspored po političkim strankama zastupljenih u Općinskom vijeću Ilijaš na osnovu postignutih rezultata na Lokalnim izborima 2020. godine, odnosno da je to 2,8% osvojenom po vijećničkom mandatu i to kako slijedi: SDA 12 vijećnika x 2,8=33,6 tj. 34 , NIP 8 vijećnika=22, SDP 3 vijećnika=8 i SBB 2 vijećnika=6". Znači, ovo je jednoglasno usvojeno i pročitala sam da nema ništa nejasno tu i da tačno piše koliko kome pripada članova Komisija. Naravno da Komisija nije bila striktno vezana i zato sam i pitala čemu služe međustranački dogovori, ako se dogovorimo jedno i jednoglasno je dogovoreno za tačan broj mjesta u Komisijama, a onda se to prekrši, jedino što je dogovoreno, prekrši se. Uredu, dostavili bi smo imena u koju Komisiju, ali da je to 8 imena za SDP i 22 imena za NIP.

VERNESA BEŠLIJA - vijećnica NIP-a (replika)

Rekli ste da nam je rečeno samo da dostavimo broj 22 imena, a ovdje u Zapisniku piše koji ste potpisali, predsjedavajuća "zatim je predložila da svi predstavnici političkih stranaka zastupljenih u Općinskom vijeću Ilijaš predlože raspored, odnosno učešće kandidata ispred svojih političkih partija u kojim radnim tijelima bi bili zastupljeni njihovi kandidati, kako bi se isti mogli dostaviti Komisiji za izbor i imenovanja Općinskog vijeća Ilijaš". Znači, ovo je sa drugog sastanka, a 13. januara smo bili dogovorili da ćete nam vi donijeti, mi nismo tražili "hoću tu Komisiju", ali smo čisto htjeli da znamo u koje, jer imamo pravo koji članovi u kojoj Komisiji su, koja Stranka da znamo, na osnovu čega

ALMA OMEROVIĆ - predsjedavajuća (krivi navod)

Kolegice, na prvom sastanku smo dogovorili da tačno, ovo što je Selma pročitala, broj članova u svim Komisijama. Vi to niste uradili. Na drugom međustranačkom sastanku niste donijeli prijedlog. Ja sam rekla dostavite mi prijedloge, ja ću ih uputiti propratnim aktom.

VERNESA BEŠLIJA - vijećnica NIP-a (replika)

Sastanak 14. januara nije bio da se dostave imena i molim kolegu Mehmeda Sinanovića

neka potvrdi. Možete li sada reći da niste rekli da vam je kolega Mehmed Sinanović rekao da niste uspjeli održati sastanak i podijeliti Komisije po strankama, već da mi predložimo.

ALMA OMEROVIĆ - predsjedavajuća

Kolegice, Vaše nije da vodite računa šta smo mi unutar svoje partije dogovorili. Riječ ima kolega Mehmed.

VERNESA BEŠLIJA - vijećnica NIP-a (replika)

Nismo dostavili, jer se niste držali prvobitnog dogovora.

ALMA OMEROVIĆ - predsjedavajuća

Kolegice nisam Vam dala riječ, sačekajte, kolega mora replicirati.

MEHMED SINANOVIĆ - predsjednik Komisije za izbor i imenovanja

Na sastanku 14.01. na kojem nisam bio, ovo što je kolegica pročitala, predsjedavajuća Alma Omerović dala je uvodne napomene koje se odnose Prijedlozi kandidata za radna tijela OV-a, zatim je predloženo da svi predstavnici političkih stranaka zastupljenih u Općinskom vijeću Ilijaš predlože raspored, odnosno učešće kandidata ispred svojih političkih partija. Kaže dalje, potom je uslijedila diskusija, obzirom da nije postignut dogovor, predsjedavajuća OV-a Ilijaš Alma Omerović istaknula je da će se sa svim političkim partijama koje su zastupljene u OV-u Ilijaš u mandatnom periodu 2020.2024. godina biti upućen dopis u kojem će biti utvrđen rok od pet dana da se dostave imene, prezimena, stručna sprema kandidata, za radna tijela OV-a, Dakle, taj rok je bio 20.01., zatim je taj rok pomjeren za dva dana, nakon čega Komisija za izbor i imenovanja nije imala prijedloge. Dakle, dvije političke partije nisu dostavile svoje prijedloge. Jedine prijedlog koje smo imali, uvažili smo i poslije toga smo poslali dopis vama, da smo nakon uvažavanja pristiglih prijedloga, da imamo još prostora za toliko. Dakle, nisu bila dostavljena imena, bukvalno do danas.

HALID DIZDAREVIĆ - vijećnik SDA (poslovnička intervencija)

Nakon pauze, diskusija je otišla u skroz u pogrešnom pravcu iz razloga što je dnevni red janso definisan, za njega smo glasali i mi se nalazimo na tački broj 4. Prijedlog Odluke o obrazovanju Komisije za boračka pitanja i Prijedlog Rješenja o izboru članova Komisije za boračka pitanja. Kolegica Vernesa se javila, iznijela svoj stav. Mi se sada nalazimo u jednoj vrsti diskusije gdje idemo u krug, otprilike od početka sjednice i razgovaramo konstantno o međustranačkim sastancima. Jedna strana govori kako nije ispoštovano, druga strana govori kako jeste. Tu je očigledno nedostajalo komunikacije i zaista to nije tema ovog OV-a. Cijenim da, ukoliko ima potrebe, da vi ponovo pravite međustranačke sastanke, pravite ih. To OV-e trenutno ne treba da zanima, jer mi imamo dnevni red i treba po njemu da radimo. Druga stvar, naravno tražio sam pauzu od pet minuta cijeneći da vidim u kojem pravcu da idemo obzirom da povlačite ljude iz Komisija. Obzirom da imamo prijedlog Komisije za izbor i imenovanja, koja je zasjedala, imamo materijale koji su na stolu i te materijale mi treba da pretrjesemo. Usvojili smo dnevni red. Molim Vas predsjedavajuća, vi ste zaista tolerantni bili i u ovih 15 minuta u kojim raspravljamo o međustranačkim sastancima, a ne o dnevnom redu, da prekinete to, da se vratimo na

dnevni red i da ovaj materijal izglasamo ili ne izglasamo.

ALMIR ŠPIODIĆ - vijećnik NIP-a (replika)

Neću replicirati kolegi Sinanoviću, upravu je kolega Halid Dizdarević, usvojen je dnevni red. U potpunosti se slažem sa kolegom Halidom i njegovom diskusijom. Mi bi trebali, a to smo trebali od početka, ako ima potrebe za još jednim međustranačim sastankom, da se održi. Propusti se dešavaju, propusti dešavaju i moramo to priznati i moramo ih popravljati u hodu. Možda da napravimo pauzu od pet minuta, da "spustimo lopticu", da razgovaramo, ako već ima neki dogovor, dajte da ga probamo ispoštovati. Ako je već ova sjednica imala karakter hitnosti, onda možemo i sutra zakazati hitnu sjednicu ili nastavak ove sjednice i da vidimo da riješimo ove stvari. Mislim da ovo što radimo sada, imenovanja ovako na ovaj način, neće biti dobro u budućnosti.

ALEMA DŽAFO - vijećnica NIP-a (replika)

Ne znam kakva je do sada bila praksa, je li bila praksa da se dostavljaju samo imena, pa se raspoređuje ili se dodjeljivale Komisije, pa političke stranke na osnovu toga dodjeljivale imena. Mi smo svi ovdje izabrani za dobrobit građana. Nas su građani izabrali da ih predstavljamo. Ono što bi trebalo i bio cilj, jeste da se na ovim listama nađu najbolji ljudi, najposposobniji za tu Komisiju u koju stavljamo naše ljude.

ALMA OMEROVIĆ - predsjedavajuća

Kolegice, zamolit ću Vas, a evo i kolega Dizdarević i kolega Špodić su diskutovali, raspravljamo o tački dnevnog reda. Pričamo o ovim predloženim imenima, a ne da raspravljamo ko je najbolji. Imamo materijale i pričamo o ovome.

ALEMA DŽAFO - vijećnica NIP-a (replika)

Ja ne mogu znati da li su ovi ljudi najbolji obzirom da ja o njim ne znam ništa.

KENAN BUZA - vijećnik NIP-a (replika)

Kolega Sinanović je reka da su Komisiji stigli samo prijedlozi SDA i SBB-a. Po prvom međustranačkom sastanku

HALID DIZDAREVIĆ - vijećnik SDA (poslovnička intervencija)

Dnevni red je tačka 4. Prijedlog Odluke o obrazovanju Komisije za boračka pitanja i Prijedlog Rješenja o izboru članova Komisije za boračka pitanja. Molim Vas predsjedavajuću usmjerite tok sjednice u pravom smjeru.

ALMIR ŠPIODIĆ - vijećnik NIP-a (poslovnička intervencija)

ALMA OMEROVIĆ - predsjedavajuća

Sačekajte kolega. Mora neko progovoriti da bi ste imali poslovničku intervenciju. Da li se još neko javlja za riječ, kolega Meho Hido, izvolite.

KENAN BUZA - vijećnik NIP-a (replika)

Nisam završio sa svojom replikom.

ALMA OMEROVIĆ - predsjedavajuća

Kolega izvinite molim vas, morate poštovati vrijeme i ne moram Vas pitati da li ste završili, vi kad stanete vi ste završili. Kolega Meho Hido izvolite.

KENAN BUZA - vijećnik NIP-a (replika)

Vi ste razgovarali sa kolegom Almirom da li on može upotrijebiti poslovničku intervenciju ili ne može.

ALMA OMEROVIĆ - predsjedavajuća

Ne, stali ste nakon toga. Kolega Hido izvolite.

KENAN BUZA - vijećnik NIP-a (replika)

Čekao sam da s njim završite razgovor.

ALMA OMEROVIĆ - predsjedavajuća

Ne možete pričati bez date riječi. Kolega Hido izvolite.

MEHO HIDO - vijećnik NIP-a

Na ovom prijedlogu za članove Komisije za boračka pitanja vidimo različitost u pristupu ovom današnjem radu. Gdje se to ogleda najviše? Ja bih Komisiji za izbor i imenovanja pod navodnim znacima "čestitao" i sve ostale vijećnike bih zamolio da kada budu digli ruku da glasaju kao i za ovo do sada što su glasali, da znaju ili su trebali pitati nekog ko zna. Recimo da je iz ovog vašeg prijedloga, predsjednik ove Komisije, početkom 1993. godine otišao u Njemačku.

ALMA OMEROVIĆ - predsjedavajuća

Kolega, ne možete tako diskutovati.

HALID DIZDAREVIĆ - vijećnik SDA (poslovnička intervencija)

Kolega Hido, cijeneći Vas kao jednog korektnog čovjeka, smatram da je apsolutno neprikladno govoriti o imenima i prezimenima na ovaj način ljudi koji su imenovani na ovaj način. To je jedna stvar. Druga stvar, ni jedna politička partija, ni jedna politička opcija prilikom dostavljanja imena u bilo koje Komisije nije dostavila CV, nije dostavila biografiju i to nije praksa nikada do sada bila. Sada da vi kolega govorite o nekome, apsolutno nije primjereno, posebno na način da degradiramo bilo koga, ne vezano iz bilo koje Komisije, cijenim da to nije korektno i da to ne trebate raditi na ovaj način.

ALMIR ŠPIODIĆ - vijećnik NIP-a (poslovnička intervencija)

Kolega Halid traži poslovničku intervenciju, a nije se pozvao na član Poslovnika koji je povrijeđen. Molim vas drugi put kad se pozivate na poslovničku intervenciju da nam kažete koji je član Poslovnika povrijeđen.

ALMA OMEROVIĆ - predsjedavajuća

Kolega Špiodiću, moliću i vas da to pratite.

MEHO HIDO - vijećnik NIP-a

Kolega Dizdareviću nisam spominjao imena, samo prijedlog i poziciju u tom prijedlogu. Znači, da se razumijemo. Ta radna tijela i Komisije koje će se baviti pitanjima kojim treba da se bave, znači vi mene ubjeđujete u nešto gdje su par mojih kolega bili prisutni i vi mene ubjeđujete da je to dobro i da ne trebamo govoriti o tome. Mi smo dužni da u ime svojih građana, svog naroda, ukažemo na nelogičnosti, nepravilnosti i na kraju krajeva dovodimo sebe u neku lakrdiju i od ove sjednice hitne kako ste je nazvali. Ako je hitnost to da neki dezerteri predsjedavaju Zlatnim ljljanima, znači ja vam želim svu sreću i naka vam bude sretno i da vam Bog dadne malo bolju pamet ako Bog da.

DENIS DILBEROVIĆ - vijećnik SDA (krivi navod)

Samo želim da kažem kolegi da nije uredu ovo što priča o imenima. Gospodin Fahir Hasanović je naš bivši kolega, vijećnik, bio je u ratu sve vrijeme na gornjem kraju. Gospodin Fahir je 1995. godine otišao u Njemačku, a ne 1991. godine. Znači, rat je proveo ovdje i on je naš prijedlog.

KENAN BUZA - vijećnik NIP-a (krivi navod)

Kolega Hido nije spomenuo ime prijedloga za predsjednika Komisije.

ALMIR ŠPIODIĆ - vijećnik NIP-a

Diskutujemo u pravcu imena koja su predložena, ali nemamo pravo spominjati imena koja su predložena. Jesam li upravo? Na tački smo dnevnog reda imenovanja Komisije za boračka pitanje, ne smijemo spominjati imena koja su predložena. Kad spomenemo ime, vi kažete nemojte spominjati imena nije to uredu. Kad pričamo malo opširnije, onda kažete, ne, pričamo sada o imenima. Ja sam sada stvarno zbunjen. Zbunjen sam i s onim što je kolega Dizdarević rekao da je do sada bila praksa da se u Komisije ne dostavlja CV i jeste to bila praksa. Političke stranke dostave ime i prezime i popune te Komisije. Vi ste sa međustranačkog sastanka od nas tražili da vam dostavimo imena i da vam dostavimo CV. to je čini mi se Selma pročitala maloprije. Sa te strane, sve ovo gubi smisao samo zato što neko nije bio sposoban da sjede i da se dogovori ili što je neko egoističan, hoće da poklopi sve, a to ste vi.

ALMA OMEROVIĆ - predsjedavajuća (krivi navod)

Kolega, molim Vas pričajte o tački dnevnog reda

ALMIR ŠPIODIĆ - vijčenik NIP-a

Upravo sam pričao o toj tački dnevnog reda. Evo hoćemo li pričati o imenima.

ALMA OMEROVIĆ - predsjedavajuća

Možete o imenima naravno, ali ne možete pričati o stvarima koje nisu predmet rasprave ove tačke dnevnog reda.

ALMIR ŠPIODIĆ - vijčenik NIP-a

Sve je ovo predmet rasprave. Pričamo o imenima. Mi želimo da povučemo naša dva imena iz ove Komisije zato što nećete da ispoštujete 22 imena koja smo predložili, koja ste nam obećali. Mi, kao predlagači toga, imamo na to pravo. Kolega Handžić u diskusiji kaže ili je Alma rekla, Komisija za izbor i imenovanja predlaže imena. Šta je Komisija za izbor i imenovanja? Ona radi po stranačkom dogovoru. Ona nama samo priprema ovo za Vijeće. Priprema nam ova Rješenja.

ALMA OMEROVIĆ - predsjedavajuća

Kolega, ponovo se vratite na tačku dnevnog reda.

ALMIR ŠPIODIĆ - vijčenik NIP-a

Ja sam na tački dnevnog reda i pričam o dva imena.

ALMA OMEROVIĆ - predsjedavajuća

Pričate u pogrešnom smjeru, molim Vas vratite se na tačku dnevnog reda.

ALMIR ŠPIODIĆ - vijčenik NIP-a

Pričamo o tome kako ste vi nas zbunili svojim neznanjem. Sada mi ne znamo "ili smo pošli ili smo došli". Znači, Vašim neznanjem predsjedavajuća.

ALMA OMEROVIĆ - predsjedavajuća

Kolega, ja znam da Vi to snimate i da populistički nastupate. Prekidam Vas ponovo zato što ne pričate o stvarima o kojima trebate, a to Vaše ponašanje ja zaista ne mogu promijeniti, jer Vi samo čujete sebe. Znači, vodite se onim što imate ispred i moram Vam kazati da je predlagač Komisija za izbor i imenovanja.

ALMIR ŠPIODIĆ - vijčenik NIP-a

Nemojte me vrijeđati. Vi mene vrijeđate kada kažete da čujem samo sebe. Ne znam odakle Vam to pravo. Prekidate me cijelo vrijeme, a ja se uporno trudim da pričam o tački dnevnog reda. Sada ste Vi nas zbunili. Pričaš o imenima, kažu "e nemojte o imenima".

ALMA OMEROVIĆ - predsjedavajuća

Kolega, isteklo Vam je vrijeme.

ADNAN ABADŽIJA vijećnik NIP-a (replika)

Tri puta maloprije dok je govorio kolega iz Vašeg kluba, rekli ste nema imena, ima imena, sad ima imena, sad nema imena.

ALMA OMEROVIĆ - predsjedavajuća (krivi navod)

Nisam ja rekla nema imena, nego nema onog o čemu nije predmet rasprave. Imena stoje u materijalu.

ADNAN ABADŽIJA vijećnik NIP-a (replika)

Maloprije ste rekli nemojte imena spominjati.

ALMA OMEROVIĆ - predsjedavajuća (krivi navod)

Imena spominjati u kontekstu ovog.

ADNAN ABADŽIJA vijećnik NIP-a (replika)

Imena iz ove Komisije, a Vi spominjete imena. Ja ću Vam sada dostaviti imena naše dvojice ljudi, jednog Zlatnog Ljiljana i jedno šehidsko dijete i mi ne želimo da naši ljudi budu "osakaćeni" ili bilo koji drugi. Mogli ste i njih zamijeniti tamo u Komisijama. U ovoj Komisiji za boračkaka pitanja, njih dvojica, treba da budu tu. Opet ću ponoviti, dostavit ću Vam ovo u pismenoj formi i dok 22 naša ne budu člana, mi nećemo pristati na bilo kakve kompromise.

HALID DIZDAREVIĆ - vijećnik SDA (krivi navod)

Kada je kolega Abadžija rekao da smo mi rekli da nema imena, apsolutno to nije istina iz razloga što u materijalima sva imena koja su spomenuta, naravno da se radi o imenima koja su predložena za Komisije. Na tom fonu, mi moramo imati ime i prezime koje je predloženo u Komisiju. Smatram da je kolegica Vernesa Bešlija imala jednu najkorektniju diskusiju i cijenim kada ima diskusiju, otprilike se ona odnosi na tačku dnevnog reda i ciljano. Ovo što Vi pričate, ja sam rekao da nije korektno da govorimo sada nešto što znamo o nekome, a to je mimo dnevnog reda. Nema veze s dnevnim redom. Ovdje se decidno kaže, određena komisija, ime i prezime, ukoliko smatrate da neko ne treba da bude u toj Komisiji ime i prezime, ne treba da bude u Komisiji, dajemo drugo ime i prezime. U skladu sa Poslovnikom da pričamo o imenima i prezimenima, a ne u skladu kako nama odgovara.

ALMIR ŠPIODIĆ - vijećnik NIP-a (replika)

Kolega Abadžija, da li mi sada da spominjemo imena ili ne. Ponovo nisam razumio krivi navod koji je Halid govorio. Znači, i dalje sam zbunjen i ne znam da li trebamo spominjati imena koja su predložena da diskutujemo o tim ljudima jesu li kompetentni ili nisu, ili ne

treba. Bilo bi dobro da napravimo Pravilnik i kažemo nećemo spominjati imena. Neko želi da mi ovdje postupamo onako kako se njemu sviđa, da diskutujemo samo ono što se njemu sviđa ili njima što se sviđa, a ono što mi imamo pravo da iznesemo svoj stav i mišljenje, e tu će biti poslovnička intervencija "nemoj to govoriti". Ja ovdje imam pravo da iznosim svoje mišljenje, imam pravo da ne znam, a ja sad ne znam da li mi trebamo govoriti o imenima ili ne trebamo. Mi pričamo o dva imena koje je predložio NIP, i evo jedna od rijetkih Komisija gdje ste to vi ispoštovali, a na desetine drugih niste ispoštovali. Mi sad kažemo, ako ne mogu svi, neće ni ova dva. Možemo li mi povući ta dva imena, kako ćemo to sada uraditi, ne znam. Vidim "prosipate pamet" cijeli dan ovdje, objasnite kako to sad da uradimo ili da prekinemo ovu sjednicu, jer ne vodi ničemu. Tek četvrta tačka dnevnog reda.

ALMA OMEROVIĆ - predsjedavajuća

Kolega molim Vas da se držite dnevnog reda i nemojte pričati nešto što nije predmet rasprave.

ALMIR ŠPIODIĆ - vijećnik NIP-a (replika)

Da li ćemo mi sada govoriti o imenima ili nećemo govoriti. Šta da mi diskutujemo?

ALMA OMEROVIĆ - predsjedavajuća

Još jednom Vas prekidam, držite se tačke dnevnog reda. Ako se vi niste naučili šta znači da Komisija za izbor imenovanja predloži da raspravljamo o materijalu, znači, vaše želje možete već sutra ispoljiti kada prođe ova sjednica ili se usvoje ili ne usvoje ove tačke dnevnog reda.

Obzirom da se više niko nije javio za riječ i diskusiju, zatvaram diskusiju i tačku a) Prijedlog Odluke o obrazovanju Komisije za boračka pitanja dajem na glasanje.

Općinsko vijeće je većinom glasova donijelo

Odluku o obrazovanju Komisije za boračka pitanja dajem na glasanje.

b) Prijedlog Rješenja o izboru članova Komisije za boračka pitanja

Općinsko vijeće je većinom glasova donijelo

Rješenje o izboru članova Komisije za boračka pitanja

AD-5

a) Prijedlog Odluke o obrazovanju Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

b) Prijedlog Rješenja o izboru članova Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

ALMA OMEROVIĆ - predsjedavajuća

Kao i prethodna izlaganja, u Komisiju za javna priznanja, obilježavanje historijskih

događaja i ličnosti i zaštitu kulturnog i prirodnog naslijeđa predloženi su:

RB.	IME I PREZIME	POZICIJA	POLITIČKI SUBJEKT
1	ŠEHERZADA ĆOSIĆ	Predsjednik	SDA
2	NUSRET BEŠLIJA	Zamjenik predsjednika	SBB
3	ADNAN SINANOVIĆ	Član	SDP
4	NEIRA BEŠLIJA	Član	NIP
5	BENARIS ČEHAJIĆ	Član	SDA

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o obrazovanju Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

b) Prijedlog Rješenja i izboru članova Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

Diskutanata po ovoj tački dnevnog reda nije bilo, pa je OV-e jednoglasno donijelo

Rješenje i izboru članova Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

AD-6

a) Prijedlog Odluke o obrazovanju Komisije za prostorno uređenje, stambeno- komunalne poslove i ekologiju

b) Prijedlog Rješenja o izboru članova Komisije za prostorno uređenje, stambeno- komunalne poslove i ekologiju

ALMA OMEROVIĆ - predsjedavajuća

S obzirom kao i prethodna izlaganja, u Komisiju za prostorno uređenje, stambeno-komunalne poslove i ekologiju predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	ADO HRUSTEMOVIĆ	Predsjednik	SDA
2	ADIN BEŠLIJA	Zamjenik predsjednika	SBB
3	EMINA BALTA	Član	SDA
4	VERNES ŽERO	Član	SDP
5	BELMA KEVRO	Član	NIP

ALMIR ŠPIODIĆ - vijećnik NIP-a

Izrazio sam sumnju u glasanje na prethodnoj tački, a Vi mi to niste dozvolili. Po pitanje ove tačke dnevnog reda, Vi primjećujete da mi ne učestvujemo u glasanju. Tražim da u Zapisnik uđe da se mi izuzimamo, ne napuštamo sjednicu, ali se izuzimamo iz glasanja sa ovih tački dnevnog reda iz razloga što niste ispoštovali prethodne dogovore, iz razloga što niste ispoštovali naše zahtjeve od 22 člana Komisija kako je to bilo i dogovoreno. Čisto da uđe u Zapisnik i da se zna. Mi, po prethodnim tačkama nismo glasali iz razloga što nisu ispoštovani dogovori i da se izuzimamo iz glasanja. Nema pojma "ne glasam". Niste na sjednici i ne glasate. Možete biti uzdržani, protiv ili za.

SELMA BARIĆ - vijećnica SDP-a (replika)

Također, ispred KV SDP-a, slažem se sa kolegom Špiodićem i isto tako tražimo da se u Zapisnik zavede sve navedeno.

ALEN HASKOVIĆ - vijećnik SDA (poslovnička intervencija)

Želim da upoznam kolege vijećnike da svojim činom ne glasanja, a svojim prisustvom na sjednici krše član 91. Poslovnika o radu OV-a stav 2. u kojem stoji da "Vijećnici glasaju tako što se izjašnjavaju za prijedlog, protiv prijedloga ili kao uzdržani u odnosu na prijedlog".

ALMIR ŠPIODIĆ - vijećnik NIP-a (poslovnička intervencija)

Poslovnička intervencija koju je pročitao neko ko nas prosvijetli sa svojim znanjem. Kolega Haskoviću, zašto to niste rekli na početku? Imamo pravo da se izuzmemo od glasanja. Evo prihvatam grešku da nisam dovoljno znao i imam pravo da diskutujem. Raspravljamo, ali se izuzimamo od glasanja. To isto radi predsjedavajuća kada se izuzme od glasanja kada je na dnevnom redu Budžet ili Izvještaj JU KSC i Radio Ilijaš da ne bi bila u sukobu interesa.

ALMA OMEROVIĆ - predsjedavajuća

Kolega, držimo se tačke dnevnog reda, interвениšemo na ove tačke dnevnog reda. Slažem se, samo što ste trebali reći da se izuzimate, a ne da izražavate sumnju u glasanje.

ALMIR ŠPIODIĆ - vijećnik NIP-a (poslovnička intervencija)

Izuzimamo se iz glasanja.

ALMA OMEROVIĆ - predsjedavajuća

Sve će biti u Zapisniku onako kako se diskutovalo.

ALEMA DŽAFO - vijećnica NIP-a (replika)

Prijedlog NIP-a za ovu Komisiju je bila djevojka koja je uskoro magistar arhitekture i zaista doprinijela radu ove Komisije. Komisija za izbor i imenovanja je izuzela iz Komsije.

Ubuduće, u praksi, ako želimo bilo šta napraviti, da postoje CV-ovi i pravila po kome će se birati članovi u ove Komisije, a ne samo što su članovi političkih stranki, simpatizeri i sl.

ALMA OMEROVIĆ - predsjedavajuća

O pravilima ćemo nekada kasnije.

VERNESA BEŠLIJA - vijećnica NIP-a

Kao što je rekla kolegica Alema, niste imali navedenu stručnu spremu u prijedlozima, a Komisija za izbor i imenovanja to i nije tražila. Ne umanjujemo vrijednost i sposobnost našeg drugog prijedloga Belme Kevro, ali mislimo da bi ovdje Samna Durmo jako dobro došla kao magistar arhitekture, jer ovdje koliko ja vidim ova imena, ne vidim neku vezu i spreviše stručnosti sa ovom Komisijom. Ne znam, ako već niste ispoštovali dogovor od 22 Komisije za NIP, zašto niste kao prijedlog kolege Haskovića, usvojili, dopustili de se izjasnimo da ne želimo da naši kandidati budu u tim Komisijama i stavite svoje. Samo ćete vi više dobiti, više zadovoljnih članova, simpatizera i vjerovatno više glasova na osnovu toga na sljedećim izborima.

ALMA OMEROVIĆ - predsjedavajuća

Kollegice, samo da pričamo o dnevnom redu.

MEHMED SINANOVIĆ - predsjednik Komisije za izbor i imenovanja (replika)

Kad već ulazi u Zapisnik da nije ispoštovan neki procentualni dio, molim vas da uđe isto tako u Zapisnik da nisu dostavljeni prijedlozi onako kako je dogovoreno na tim međustranačkim sastancima.

ALMA OMEROVIĆ - predsjedavajuća

Kolega Sinanoviću, ponovo se vraćate na temu koja se ne tiče isključivo ove tačke dnevnog reda.

ADNAN ABADŽIJA - vijećnik NIP-a

Možemo li mi zamijeniti ovdje da umjesto Belme Kevro bude Samna Durmo.

ALMA OMEROVIĆ - predsjedavajuća

Ne možete. To možete sutra uraditi, pričamo o predloženom dnevnom red. To sutra predložite Komisiji za izbor i imenovanja na kojoj ću i ja prisustvovati.

Diskutanata po ovoj tački dnevnog reda više nije bilo, pa je OV-e većinom glasova donijelo

Odluku o obrazovanju Komisije za prostorno uređenje,
stambeno- komunalne poslove i ekologiju

b) Prijedlog Rješenja o izboru članova Komisije za prostorno uređenje,
stambeno-komunalne poslove i ekologiju

OV-e je većinom glasova donijelo

Rješenje o izboru članova Komisije za prostorno uređenje,
stambeno-komunalne poslove i ekologiju

AD-7

- a) Prijedlog Odluke o obrazovanju Komisije za zaštitu ljudskih prava, ravnopravnost spolova, predstavke i prijedloge
b) Prijedlog Rješenja o izboru članova Komisije za zaštitu ljudskih prava, ravnopravnost spolova, predstavke i prijedloge

ALMA OMEROVIĆ - predsjedavajuća

U Komisiju za zaštitu ljudskih prava, ravnopravnost spolova, predstavke i prijedloge predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	ADELA SMAJLOVIĆ- BEGANOVIĆ	Predsjednik	SDA
2	MUFID ZUKIĆ	Zamjenik predsjednika	SDA
3	AIDA HALILOVIĆ	Član	SBB
4	SEMIRA IŠERIĆ	Član	SDP
5	DORIS POPIĆ	Član	NIP

ALMIR ŠPIODIĆ - vijećnik NIP-a

Znači, možemo diskutovati o Rješenju. Ovdje smo mi dobili Prijedlog Rješenja, što znači da se ova Rješenja ne moraju usvojiti ovako kako piše, ali vi nas sada bukvalno tjerate, ne nas, nego nam "prosipate pamet", a i svojim kolegama iz Vijeća da se ovo mora usvojiti i da se ne može ništa mijenjati. Evo ja predlažem da umjesto Adele Smajlović- Beganović bude predsjednica Doris Popić. Ako ne može, predlažem da Doris Popić zamijenimo sa nekim iz Vijeća, evo predložio bih Denisa Dilberovića.

ALMA OMEROVIĆ - predsjedavajuća

Kolega molim Vas uozbiljite se, ne možete Vi predlagati na ovoj Komisiji mimo materijala koji je dostavljen.

ALMIR ŠPIODIĆ - vijećnik NIP-a

Ovo je Prijedlog. Imamo pravo da diskutujemo o imenima. Ja predlažem da umjesto Doris Popić u ovoj Komisiji, bude Denis Dilberović. Ovo je vrlo važna Komisija.

ALMA OMEROVIĆ - predsjedavajuća

Ne možete Vi kolega predlagati, uozbiljite se. Jako ste neozbiljni na današnjoj sjednici. Kolege Vam se iza leđa smiju i zamolit ću Vas da to ne prenosite, ovo ide u javni prostor, a nadam se i kamerama, pa da i vidimo ponašanje. Potpuno se slažem da Vi predlažete zamjenu ovih članova. To je uredu. To su članovi Komisije. O materijalu koji smo dobili, to je korektno, ali da Vi mijenjate članove koji su predloženi, to ne.

ALMIR ŠPIODIĆ - vijećnik NIP-a (krivi navod)

Ja ne mijenjam. Ja upravo predlažem po Prijedlogu. Predlažem da umjesto Doris Popić bude Denis Dilberović.

ALMA OMEROVIĆ - predsjedavajuća (krivi navod)

Ispravka krivog navoda da predlažete Denisa Dilberovića koji nije predložen u ovu Komisiju.

ADNAN ABADŽIJA - vijećnik NIP-a (krivi navod)

Ispravka krivog navoda, ne smijemo se kolegi.

ALMIR ŠPIODIĆ - vijećnik NIP-a (krivi navod)

Ovo Rješenje je došlo u formi Prijedloga i ovi prijedlozi se mogu mijenjati. Komisija nije donijela Rješenje, nego dostavila Prijedlog Rješenja. Ja, Almir Špiodić, kao općinski vijećnik, predlažem mog kolegu Denisa Dilberovića u Komisiju, umjesto Doris Popić. Ja imam pravo, kao vijećnik, da predložim, zato što se vi niste dogovorili na međustranačkom sastanku. Da se ponovo vratim na početak. Kad ne postaviš temelj kako treba, pa onda sve ide na krivo. Čitav ovaj tok sjednice ide na krivo zato što se nismo malo više poštivali, i malo više uvažavali. Da je bilo ovo, do ovoga ne bi došlo.

Izuzimamo se iz glasanja.

Diskutanata po ovoj tački dnevnog reda više nije bilo, pa je OV-e većinom glasova donijelo

Odluku o obrazovanju Komisije za zaštitu ljudskih prava,
ravnopravnost spolova, predstavke i prijedloge

b) Prijedlog Rješenja o izboru članova Komisije za zaštitu ljudskih prava, ravnopravnost spolova, predstavke i prijedloge

Općinsko vijeće je većinom glasova donijelo

Rješenje o izboru članova Komisije za zaštitu ljudskih prava,
ravnopravnost spolova, predstavke i prijedloge

AD-8

a) Prijedlog Odluke o obrazovanju Komisije za poslove mjesnih zajednica i saradnju sa drugim općinama i gradovima

b) Prijedlog Rješenja o izboru članova Komisije za poslove mjesnih zajednica i saradnju sa drugim općinama i gradovima

ALMA OMEROVIĆ - predsjedavajuća

U Komisiju za poslove mjesnih zajednica i saradnju sa drugim općinama i gradovima predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	ALMIRA ĆOSIĆ-AVDIĆ	Predsjednik	SDA
2	ŠABAN GLJIVA	Zamjenik predsjednika	SDA
3	SEMIR HANDŽIĆ	Član	SBB
4	IBRO MULIĆ	Član	NIP
5	ELVEDIN MUMINOVIĆ	Član	NIP

ALMIR ŠPIODIĆ - vijećnik NIP-a

Moja diskusija po ovoj tački dnevnog reda biće slična kao i po prethodnoj tački dnevnog reda. Predlažem da u ovoj Komisiji Ibro Mulić bude predsjednik Komisije, umjesto Almere Ćosić-Avdić, a ovo ostao da ostane isto, ako se kolege slažu. Ne znam zašto se niste izjasnili ili možda nije bilo potrebe da se izjašnjavate o prijedlogu za izmjenu na prošloj tački dnevnog reda. Vi nam donesete nešto da diskutujemo po ovom, da o nečemu raspravljamo, mi smo kao vijećnici i treba da vijećamo o nečemu, a onda nam uzmete to pravo da učestvujemo u tačkama dnevnog reda da predlažemo, a ako je prijedlog, a piše Prijedlog, imamo pravo predložiti. Meni nije jasno na koji način vi mislite ubuduće, ako mislite ovako raditi, da će sve ovo funkcionisati. Ne znam koja je svrha uopšte ovoga što ja govorim. Vi želite da donesete Odluku onako kako ste tamo negdje dogovorili, bez milimetra odstupanja izmjene. Nema veze da li je ta izmjena dobra ili loša. Vi ne želite da prihvatite bilo kakvu saradnju, bilo kakvu diskusiju sa naše strane, a ljutite se kad vam kažem da radite po nalogu jednog čovjeka, ljutite se kad kažem da su vijećnici

ALMA OMEROVIĆ - predsjedavajuća

Molim Vas da pričate o tački dnevnog reda, ne o kakvim ljutnjama, nekim emotivnim izlivima.

Zamoliti ću Vas, mislila sam da znate procedure, sve vrijeme govorite kako nešto ne znam, ja Vama to neću reći, ali ću Vam skrenuti pažnju, evo sve što predlažete znate da možete uložiti amandman na predloženi materijal. Dostavite u pismenoj formi. Mi ćemo se izjasniti o tom amandmanu.

ALMIR ŠPIODIĆ - vijećnik NIP-a

Da ste odmah to rekli, mi bi tako uradili.

ALMA OMEROVIĆ - predsjedavajuća

Kolega, mislila sam da to znate i nisam ja Vama dužna govoriti kako OV-e radi do u detalje. Onda bi trebali imati instrukcije.

ALMIR ŠPIODIĆ - vijećnik NIP-a

Amandman: Predlažem da, u Rješenju o izboru članova Komisije za poslove mjesnih zajednica i saradnju sa drugim općinama i gradovima, predsjednik Komisije bude Ibro Mulić, a Almira Ćosić-Avdić zamjenik predsjednika, a ostao da ostane isto.

Predsjedavajuća je dala na glasanje predloženi amandman.

Konstatovano je da predloženi amandman nije dobio potrebnu većinu.

Zatim je OV-e većinom glasova donijelo

Odluku o obrazovanju Komisije za poslove mjesnih zajednica
i saradnju sa drugim općinama i gradovima

b) Prijedlog Rješenja o izboru članova Komisije za poslove mjesnih zajednica i saradnju sa drugim općinama i gradovima

OV-e je većinom glasova donijelo

Rješenje o izboru članova Komisije za poslove mjesnih zajednica
i saradnju sa drugim općinama i gradovima

AD-9

a) Prijedlog Odluke o obrazovanju Komisije za zdravstvo, informisanje, socijalna i vjerska pitanja

b) Prijedlog Rješenja o izboru članova Komisije za zdravstvo, informisanje, socijalna i vjerska pitanja

ALMA OMEROVIĆ - predsjedavajuća

U Rješenje o izboru članova Komisije za zdravstvo, informisanje, socijalna i vjerska pitanja predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	SAMED MEŠANOVIĆ	Predsjednik	SDA
2	ELVISA MAŠIĆ	Zamjenik predsjednika	SDA
3	MERSED ORIĆ	Član	SDA
4	NEDINA HASANOVIĆ	Član	SBB
5	DINO BEŠLIĆ	Član	NIP

ALMIR ŠPIODIĆ - vijećnik NIP-a

Amandman na ovo Rješenje glasi: Elvira Mašić da bude predsjednik ove Komisije s obzirom da je medicinske struke, a da Dino Bešlić bude zamjenik predsjednika. Tražim da se Vijeće izjasni o tome.

Diskutanata po ovoj tački dnevnog reda više nije bilo, pa je OV glasalo za amandman vijećnika Almira Špiodića.

Konstatovano je da Amandman nije dobio potrebnu većinu.

Zatim je OV-e većinom glasova donijelo

Odluku o obrazovanju Komisije za zdravstvo, informisanje,
socijalna i vjerska pitanja

b) Prijedlog Rješenja o izboru članova Komisije za zdravstvo, informisanje, socijalna i vjerska pitanja

OV-e je većinom glasova donijelo

Rješenja o izboru članova Komisije za zdravstvo, informisanje,
socijalna i vjerska pitanja

AD-10

a) Prijedlog Odluke o obrazovanju Komisije za sprovođenje javnog konkursa za dodjelu gradskog građevinskog zemljišta

b) Prijedlog Rješenja o izboru članova Komisije za sprovođenje javnog konkursa za dodjelu gradskog građevinskog zemljišta

ALMA OMEROVIĆ - predsjedavajuća

U Komisiju za sprovođenje javnog konkursa za dodjelu gradskog građevinskog zemljišta predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	MINELA OSMANOVIĆ	Predsjednik	SDA
2	ASIM ZUKIĆ	Zamjenik predsjednika	SDA
3	RAMIZ BIBIĆ	Član	SBB
4	HASAN HERIĆ	Član	NIP
5	IZET DILBEROVIĆ	Član	NIP

ALMIR ŠPIODIĆ - vijećnik NIP-a

Mislim da bi u ovoj Komisiji Seid Bektić imao potrebe da bude član. Iz tog razloga

predlažem Amandman: Umjesto Asima Zukića, predlažem Seida Bektića za zamjenika predsjednika Komisije za sprovođenje javnog konkursa za dodjelu gradskog građevinskog zemljišta.

ADNAN ABADŽIJA - vijećnik NIP-a

Pitanje za Komisiju za izbor i imenovanja. Ima li u ovoj Komisiji iko od struke?

MEHO HIDO - vijećnik NIP-a

Predsjedavajuća, zamolio bih Vas da malo poštujete epidemiološke mjere.

ALMA OMEROVIĆ - predsjedavajuća

Zamoliti ću Vas da to bude poslovnička intervencija, a ne diskusija.

MEHO HIDO - vijećnik NIP-a

Intervencija je skrećem Vam pažnju, obzirom da ste odgovorni za vođenje sjednice i bezbjednost na sviju ovdje, da se provjetri prostorija, da malo poštujete ove mjere. Skrenite pažnju kome treba.

ALMA OMEROVIĆ - predsjedavajuća

Kad završimo ovu tačku dnevnog reda, dat ću pauzu od pet minuta i zahvaljujem Mehi Hidi na ukazanoj intervenciji.

MEHMED SINANOVIĆ - predsjednik Komisije za izbor i imenovanja

Komisija za izbor i imenovanja je dobila prijedloge kandidata, ime i prezime. Znači, prijedloge tačno za ovu Komisiju od političkih partija, te na osnovu toga predložila Komisiju. O stručnosti ne ulazi Komisija za izbor i imenovanja.

ALMA OMEROVIĆ - predsjedavajuća

Dala je na glasanje prijedlog amandmana vijećnika Almira Špiodića.

Nakon glasanja, konstatovano je da amandman nije dobio potrebenu većinu.

Zatim je OV-e većinom glasova donijelo

Odluku o obrazovanju Komisije za sprovođenje javnog konkursa
za dodjelu gradskog građevinskog zemljišta

b) Prijedlog Rješenja o izboru članova Komisije za sprovođenje javnog konkursa za dodjelu gradskog građevinskog zemljišta

OV-e je većinom glasova donijelo

Rješenje o izboru članova Komisije za sprovođenje javnog konkursa
za dodjelu gradskog građevinskog zemljišta

Uslijedila je pauza od 10 minuta od 15:30-15:40h.

AD-11

- a) Prijedlog Odluke o obrazovanju Etičke komisije
- b) Prijedlog Rješenja o izboru članova Etičke komisije

ALMA OMEROVIĆ - predsjedavajuća

U Etičku komisiju predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	SEID BEKTIĆ	Predsjednik	SDA
2	ALEN ARNAUTOVIĆ	Zamjenik predsjednika	SDA
3	AKIF BEŠLIJA	Član	SBB
4	ALEMA DŽAFO	Član	NIP
5	ALMIR ŠPIODIĆ	Član	NIP

ALMIR ŠPIODIĆ - vijećnik NIP-a

Amandman:

- Umjesto mene, Almir Špiodić, da član bude predsjedavajuća Alma Omerović.
- Umjesto Seida Bektića, za predsjednika predlažem Kenana Hasića.

Diskutanata po ovoj tački dnevnog reda više nije bilo, pa je OV-e glasalo za amandman vijećnik Almira Špiodića.

Konstatovano je da amandman nije dobio potrebnu većinu.

Zatim je OV-e većinom glasova donijelo

Odluku o obrazovanju Etičke komisije

- b) Prijedlog Rješenja o izboru članova Etičke komisije

OV-e je većinom glasova donijelo

Rješenja o izboru članova Etičke komisije

AD-12

- a) Prijedlog Odluke o obrazovanju Drugostepene stručne komisije
- b) Prijedlog Rješenja o izboru članova Drugostepene stručne komisije

ALMA OMEROVIĆ - predsjedavajuća

U Drugostepenu stručnu komisiju predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	ELDAR BIKIĆ	Predsjednik	SDA
2	NIZAMA KOLAŠINAC	Zamjenik predsjednika	SDA
3	ELEMIN BEŠLIJA	Član	SBB
4	ELDINA BEŠLIJA	Član	NIP
5	ADEM MUŠIJA	Član	NIP

ALEMA DŽAFO - vijećnica NIP-a

Ono što ja od jutros govorim, ovdje sam došla, dočeka me dnevni red i puno imena. i sad ja trebam glasati ZA, PROTIV, na osnovu imena. I dalje mi nije jasno na osnovu čega ja trebam dati svoje mišljenje.

Diskutanata po ovoj tački dnevnog reda više nije bilo, pa je OV-e većinom glasova donijelo

Odluku o obrazovanju Drugostepene stručne komisije

b) Prijedlog Rješenja o izboru članova Drugostepene stručne komisije

Zatim je OV-e većinom glasova donijelo

Rješenje o izboru članova Drugostepene stručne komisije

AD-13

a) Prijedlog Odluke o obrazovanju Komisije za mlade i obrazovanje

b) Prijedlog Rješenja o izboru članova Komisije za mlade i obrazovanje

ALMA OMEROVIĆ - predsjedavajuća

U Komisiju za mlade i obrazovanje predloženi su sljedeći članovi:

RB.	IME I PREZIME	POZICIJA	POLITIČKI SUBJEKT
1	MELISA KIŠIĆ	Predsjednik	SDA
2	MENSUD MASNOPITA	Zamjenik predsjednika	SDA
3	ŠEJLA NAHIĆ	Član	SDA
4	OMER ALIĆ	Član	SBB
5	AJLA ŠEHIĆ	Član	SDP

ADNAN ABADŽIJA - vijećnik NIP-a

Pitao bih naše povjereništvo, našu predsjednicu, da li smo mi ovdje imali prijedlog kandidata? Ja stvarno nisam imao te podatke, a i vas bih pitao, pošto je NIP veoma mlada partija o izboru predsjednika, zamjenika predsjednika i članova Komisije za mlade i obrazovanje nemamo niti jednog predstavnika ovdje. Mislim da smo kao NIP trebali imati u svakoj Komisiji po jednog člana.

VERNESA BEŠLIJA - vijećnica NIP-a (replika)

Uvaženi kolega Abadžija, naravno, općinsko povjereništvo u Komisiju za mlade i obrazovanje je predložilo mladu profesoricu bosanskog jezika Dženanu Bećiragić. Međutim, nažalost, Komisija za izbor i imenovanja to nije prepoznala.

Diskutanata po ovoj tački dnevnog reda više nije bilo, pa je OV-e većinom glasova donijelo

Odluku o obrazovanju Komisije za mlade i obrazovanje

b) Prijedlog Rješenja o izboru članova Komisije za mlade i obrazovanje

Zatim je OV-e većinom glasova donijelo

Rješenje o izboru članova Komisije za mlade i obrazovanje

Nakon što je iscrpljen dnevni red, predsjedavajuća Alma Omerović zaključila je Vanrednu sjednicu Općinskog vijeća Ilijaš u 16:00h.

Kolege su prethodno, telefonski obaviještene za redovnu sjednicu. Moći ćemo raditi na redovnoj sjednici s obzirom da imamo usvojena radna tijela koja će donijeti mišljenja na određene Odluke koje su obavezujuće za naš rad na redovnim sjednicama.

Zapisničar:
Maida Habibović

PREDSJEDAVAJUĆA
OPĆINSKOG VIJEĆA ILIJAŠ
Alma Omerović, BA nov.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE, d.d. Sarajevo: 1602000000710645
e-mail ov@ilijas.ba
certifikat: CRO20794Q

